

海國備考

卷十八至二十



海國

圖

音

志

卷之二

海國圖志卷十八

邵陽魏源輯

東南洋諸島形勢下

琉球一作流虬古未通中國隨時有海船望見之唐宋
後漸通中土明初入貢太祖賜以閩人善操舟者三十
六姓修職貢甚謹後爲日本所滅不通音問者數十年
已而王被執不屈倭送還國國在日本薩峒馬島之南
周環三十六島南北四百餘里東西不足百里舊分山
南山北中山三國後并入中山爲一故稱中山王王尙

姓自記載以來一姓相傳無改步國小而貧屬役日本
惟賴貢舟販鬻稍得餘資以自給由福州五虎門放洋
用卯鍼四十餘更至姑米山其國大島也再東卽至其
國收泊於那霸港國分三路曰首里王居之曰久米曰
那霸用中國文字入 本朝更恭順修職貢其官之

最尊者爲金紫大夫守土之官曰按司一按司所轄約

六七里土磽瘠產米絕少以地瓜爲食卽番薯非官與耆

老不食米無麻絮以蕉爲布負戴者圍下體餘皆裸露

附南洋各島

地里備考曰巴勞島在南洋之北加羅黎那島之西緯

度自北六度五十三分起，至八度九分止。經度自東一百二十七度三十九分起，至一百三十三度四十分止。中有十八島，人烟稠密，物產豐阜，人民良善，作事勤勞。島之大者曰渡卑都狎，曰哥羅，曰尼利斯黎都。又曰加羅黎那島，在南洋之北，馬黎亞納島之南，緯度自北六度起，至十二度止。經度自東一百三十三度起，至一百六十七度止。中有三十島，地勢錯落，不相聯絡。人烟紛繁，樹林稠密，地氣溫和，風雨不時。島之大者曰亞巴，曰我里，曰麼結母，曰係利亞威內，曰五亞蘭。

又曰慕爾加拉威島，在南洋之中，馬黎亞納島之東南，緯度自北一度起，至十度止。經度自東一百六十八度起，至一百七十一度止。田土瘠薄，物產不阜。島之大者曰布路尼，曰刺達各，曰刺利客，曰斯加波路，曰京師米爾。

又曰維的島，在南洋之中，慕爾加拉威島之南，緯度自南十五度四十五分起，至十九度四十三分止。經度自東一百七十四度四十分起，至一百七十九度四十分

止長一千二百五十里，寬一千一百里，地勢錯落，不相
聯絡。田土膴厚，物產豐饒。諸酋分轄，不相統屬。島之大
者曰維的黎勿，曰干打本，曰華蘭黎勿，曰羅斯，曰當基。
又曰當加島，又名亞米，在南洋之中。維的島之東南，緯
度自南十三度二十分起，至二十五度三十分止。經度
自西一百七十三度十八分起，至一百七十八度三十
八分止。中有一百五十島，大者維三，曰嘗加，曰瓦瓦阿
曰意五亞，田土肥饒，物產豐厚，地氣酷熱，海風清涼，人
民壯健，作事勤勞。諸酋分轄，不相統屬。
又曰花和爾尼島，在阿塞亞尼亞州之中，地勢錯落，不
相聯絡。島之大者曰五瓦，曰好望島，曰何爾尼。
又曰麼阿島，在南洋之中，緯度自南五度三十分，經度
自東一百五十二度十七分，中有七島，諸酋分轄。島之
大者曰波刺，曰阿牙刺瓦，曰茂拿，曰羅沙。
又曰給爾焉的島，在南洋之中，維的島之南，緯度自南
三十度三十六分，經度自東一百七十八度五十分。中
有三島，曰刺五耳，曰馬告來，曰姑爾的斯。
又曰古各島，在南洋之中，緯度自南十八度四十五分

起至二十一度二十六分止經度自西一百五十九度四十五分起至一百六十二度十五分止地氣錯落不相聯絡島之大者曰

馬拿牙曰亞的五

地理備考都波哀島在南洋之中緯度自南二十三度三十分經度自西一百五十二度地勢錯落不相聯絡

島之大者曰都波哀曰魯都曰

黎馬打刺曰來瓦外曰魯都意

又曰達義的島在南洋之東緯度自南十七度二十九

分經度自西一百五十一度田土肥饒穀果豐登多上

品樹木地氣溫和島嶼不一諸酋分轄島之大者曰達

義的曰弟都羅亞曰母勒亞曰買弟亞曰化衣尼曰刺

牙的亞曰打下曰波刺

波刺曰茂卑的曰都拜

地里備考色麼度島在南洋之東緯度自南十四度起

至二十三度止經度自西一百五十二度起至一百四

十度止島嶼紛繁地勢低陷島之大者

曰刺沙勒曰蠅島曰澳羅鏤曰巴黎射

又曰門達那島在南洋之東緯度自南七度五十分起至十度三分止經度自西一百四十度起至一百四十三度止島嶼紛繁分為兩區在南東者曰馬爾給沙山勢峻峭峯巒參天在西北者曰窩神敦地氣高燥層巒聳峙其餘各島曰達度意瓦曰

達盧亞大曰瓦波亞曰瓦盧加

又曰合威島其地在南洋之東北緯度自南十九度起至三十三度止經度自西一百五十六度起至一百六十四度止田土肥饒穀果豐登地氣溫和諸酋分轄不相統屬中有十三島大者曰合歪曰茂維曰窩亞盧曰

亞堆

又曰斯波拉大島在南洋之南北其南之大島有六曰本林曰巴給斯曰沙刺曰阿賒亞即曰亞爾都耳曰聖自爾那都其北之大島有五曰巴刺打曰羅卑斯曰聖巴爾多羅麼曰聖巴多羅曰羅也斯各島人民稀乏物產不阜

外國史畧曰東洋島三種一曰山地山高自二百丈及一千丈各有火內產石蠟蜆等物山腳草木茂盛二曰

珊瑚嶼乃沙地有珊瑚磬四圍係珊瑚內之蟲負土積累致成高石三日邱地產物豐盛出椰子甘蔗有餅樹其果如饅味甘美並各蕉大薯番薯獸只犬豕鼠今則五畜資養焉居民之狀與蕪來由相似眾尚蠻拜偶像厚接外客日捕魚其頭日時時交戰遠駛海隅坐小船以攻大敵惡僧弄權甚至殺人祭鬼衣甚少僅以葉束腰而已男女苟合近日天主教于各島開學館以教化之○羣嶼太多今述其最廣者無人嶼在日本東南係荒島乃外國水手所開人少物稀惟捕鯨之船隨時到此與居民往來買蔬菜牲畜北向一帶島嶼皆屬日本○側嶼在臺灣東北極出地自十二度及二十一度偏東自一百四十四度至一百四十八度其南向之嶼有居民歸是班牙權轄林甚密牛羊豕滿野○加羅林羣島北極出地自三度至十六度偏東自百三十三度至百七十三度共四十六州皆有居民好航海地惟有鼠無他牲畜居人以芋番薯魚鼈爲食裸身草舍屢相爭鬪所往之船惟有海參檀香等貿易○此州之南曰菲治羣嶼居民墨面性凶殘各酋互相交戰虜敵卽吞食

之亦有時屠宰人一日至二百餘出檀香商人之船至
今罕犯○東牙羣嶼最大者周三十里其地豐盛居民
稠密互相交鬪○航海羣島在菲治島東北共八島最
廣者周六十里有火山多火漿地豐甚出樹木居民健
身高體色白○谷羣嶼南極出地自十八度至二十三
度偏東百五十七度及百六十度係茅塞之地居民多
奉耶穌教○會黨險海羣嶼南極出地自十四度至二
十五度偏西自一百二十四度及一百五十七度其嶼
繁多最大者曰他希地出木甚美居民昔時仇恨相殺
以血飲神像今奉耶穌教改過向化○馬其羣嶼多沙
而低居民彫題甚醜俱出海參珍珠土人寐水中尋出
之外國水手至此貿易多爲人所殺○阿盛希等嶼其
入所五州北極出地自十九度及二十三度偏西自百
五十五度及百六十度居民十萬八千三百九十三但
今人戶日消滅地繁盛中有佳果蔬菜檀香甘蔗蘇花
有火山恆出火漿乾隆間此嶼尚荒無居民以芋魚爲
飯後英國水師到此導以風化嘉慶二十三年居民皆
去塑像而拜上帝其都曰阿那羅路居民六千各國之

船所集。○東洋之竟嶼雖多但編小居民罕少除椰子等貨別無產物。

附東南洋道路

東西洋考南洋鍼路自七州山七州洋始瓊州志曰在文昌東一百

里海中有山連起七峯內有泉甘冽可食船過用牲粥

祭海厲不則為崇舟過此極險稍貪東便是萬里石塘

卽瓊州所謂萬州東之石塘海也舟犯石塘希脫者

七州洋打水一百三十托若往交阯東京用單申針五

更取黎黎母山在瓊州定安縣南四百里廣東通志曰

母山黎母山五指山一名黎母生黎峒中五峯如人

指屹立每辰已後雲霧收斂則一峯聳翠插天申酉間

復蔽不見用庚卯針十五更取海寶山一

海寶山更取雞唱門即安南雲屯海口也交阯東京一

志曰東至海西至老櫓又從七州洋用坤未針三

南至占城北至思明府更取銅鼓山

銅鼓山廣東通志曰在文昌東北銅鼓海獨珠山山在萬州

極深險用坤未針四更取獨珠山

東南海中峯勢高峻周圍五六十里南國諸番修貢水道視此為準其洋為獨珠洋船人云有靈伯廟往來

祭獻打水六十五托用坤未針交趾洋打水七十托用坤未針

口廣南漢為日南郡隋唐為驩州國朝為父安府又從交趾洋取占筆羅山是廣東港

口入清更取望瀛海華港漢為九真郡隋唐為清化府

又從交趾洋取小長沙海順化港國朝為順化府

又從交趾洋用坤未針十一外羅山遠望城門近看東

塘西有古老石船傍西行打水四十五托用丙午針三更取馬陵橋其內為提夷是交趾屬縣

提夷馬陵橋打水二十五托內外俱可過船南邊有橋

口新州港國朝為新安府新州交杯嶼兩嶼相對故名內打水

取羊嶼南有小石塔好拋錨內打水八九托外二十托

煙筒山此交趾占城分界處也靈山與占城山連接峻

塊似佛頭故名靈山往來販舶於此樵汲崇佛誦經祈

禳開打水六十托用單午針取伽南貌

伽南貌山港內有三嶼潮漲則不見山遠過打水十五

城港占城國一統志曰東距海西抵雲南南接真臘北

口占城國連安東南北至廣東舟行可半月程至崖

州可十占城國羅灣頭打水五十托用坤申

日程占城王常避交人徙居茲山近打水二十

占城外十八托用單申針四更取鶴頂山打

五托洋中國玳瑁洲宜防若往東埔寨柯任山

由此分路用單庚針四更取柯任山自赤坎

行因風應變外任尋港用庚申針開有石爛礁在西南

若行船放落嶼下開頭用單庚及庚申針看風讓高收

毛蟹 毛蟹州 打水六七托 船頭對洲收拾有三托水在
邊坤身頭崎便是大畧清明潮水曉退在 東埔寨 即古

外任開船東風小午到淺至午進港為妙 東埔寨 真臘
地也又名占臘將至港俱是泥地故名占臘泥國人自

呼甘字智後訛為甘破蔗船人又訛為東埔寨
又從赤坎山 單末針十五 崑崙山 屹然海中山高而方

七州下怕崑崙針迷舵失人船莫存 小崑崙 兩邊有礁
用單庚及庚酉針三更取小崑崙 出水用庚

酉及單酉針 真嶼 看成三山內過打水十四托泥地外
八更取真嶼 真嶼 過打水十八托沙地遠過只七八托

便是假嶼水淺不可行直從真嶼東北邊出
水礁南邊過船用庚戌針五更取大橫山

大橫山 到此是暹羅界外過南邊打水二十五托為正
路北邊水淺只五托水船在南邊見小橫山

小橫山 其山多樹打水十四托用辛戌針十更
單戌針十更乾戌針十更取筆架山

筆架山，遠望形如筆架，故云。山下打水十四托，開打

黎頭山，西邊高大，東南稍低，其內有嶼，西北一

圭頭淺，打水四十托，單用。竹嶼，淺口打水四五托，用王

暹羅，乃古赤土及婆羅刹地，至本朝合暹與羅

又從崑崙山，用坤申及庚酉針。吉蘭丹，即大嶼港口，用

大泥國，貢道由。又從崑崙山，取真嶼，用辛酉針。

六坤，暹羅屬國也，其又從崑崙山，用坤未針。三

斗嶼，用丁午針。五彭亨國，一名彭坑，單午針。

地盤山，在彭亨港外，打水二十八托。東西竺，此柔佛地

未針十更取羅漢

嶼即柔佛港口

柔佛國

一名烏樵林

羅漢嶼

水淺宜防往來尋白礁為

準往滿刺加從北邊過船

龍牙門

山門相對如龍牙狀

用庚酉針五更入龍牙門中這船田捲穀薄據

掠為豪番船於此防之夜不敢行以其多盜且南有涼

傘礁也中打水三十托北二十托南八九托又過淡馬

錫門用庚酉及辛戌

針三更取吉里問山

吉里問山

打水二十托用單

箭嶼

打水三十四托用

嶼五嶼

先時會門鎮於此此中有真五

麻六甲

即滿刺加國也

船人音訛耳在古

又從東西竺

更取長腰嶼

為歌羅富沙地

北邊正路打水二十六托若往丁

獨石門

出門

西針過鐵釘嶼

鐵釘嶼

其外水流急甚用單庚及

鱷魚嶼

西是

畫南流而夜北流再進由丁機宜瓜哇屬國又從長腰嶼丁用

第二港入是丁機宜國

午針十更取龍雅山在馬戶邊過用單午饅頭嶼收入

龍雅大山針三更取饅頭嶼

詹卑七三佛齊人稱其國王為詹卑其國既為

更可到詹卑瓜哇所破故王徙居於此因以名地

七嶼從饅頭嶼駕開用丁午針三更到彭家山用坤申

取西南第二山有沉舊港即三佛齊故都也其先為干

礁用坤申針收舊港隨利國初時為瓜哇所并改

名舊港以別又從彭家山用辰巽針十進峽門用丙巳

於彼之新村更取進峽門

身七更見三麥嶼過嶼用單丁及丁午針五更單未針

三麥嶼五更取都麻橫港下

都麻橫港口中望一山名真不真假不假正路打水十

七托用單午針十更取覽邦港口

覽邦港口覽邦夷人好食人故船無維纜者外有小嶼

名奴沙牙近嶼打水入九托用丁午針三更

每國圖志

卷十八

東南洋 海島國五

九

取奴沙刺打水十四托，又用錫蘭山港口，即梁時所謂

丁午針三更遠望錫蘭山，此瓜哇地而稱錫蘭

訛為石旦夷言高山為錫蘭，因名。其實去彼尚遠，地廣人稠，亞於

港口者，亦就望見言之。其寶去彼尚遠，地廣人稠，亞於瓜哇海邊有一盤石，上印足跡，長三尺許，常有水不乾

稱先世釋迦從翠藍嶼來登此足躡迹，至今尚存。永樂間其王來貢，旋復負固不恭，鄭中貴和虜其王歸

上命釋之。○洋中凡五嶼，正門打水四五托，用丙巳針六更至下港，即古閣婆在南海中者也，亦名社婆，至元

下港，始稱瓜哇，今下港正彼國一巨鎮耳。船入亦名順塔，再進又從滿刺加國五嶼，分路入蘇門答刺

入為咖囉吧。又從滿刺加國五嶼，用單乾針五更取綿花，第三灣正好過船，打水七八托，外二十托

嶼，綿花嶼，用單乾針過淺，辛戌針四更取雞骨嶼，對開打水遠過，用乾戌針十更取雙嶼，對開打水

雞骨嶼，對開打水六十六托，有淺船宜雙嶼，對開打水

門中十托，即正路所經也，用單嶼，內打水十六托，外四

乾戌針，并辛戌四更取單嶼，十托，用辛戌針十更

認亞路、亞路、坤身打水三托、洋中二十托、用壬亥及乾亥、針若雞山、用乾戌針十五更、取巴祿頭、

巴祿頭、其旁為九州山、林木叢生、永樂間、鄭和遣人、入山採香、有長六七丈者、數株香味清遠、黑花

細紋、山人張目吐舌、言天朝威力若、急水灣、西邊有灣、神用單亥及乾戌針五更、取急水灣、

對開水二十五托、用啞齊國、即蘇文答刺國也、一名蘇、辛酉針五更、取亞齊、文達那、廣東通志曰、自滿

刺加九晝、又從玳瑁洲、用丁未針三、東西董、從西董過、夜可至、更取東西董、船遠似石

礁狀、用單丁針五更、丁失力大山、近山用坤未針、未三十更、取失力大山、五更取馬鞍嶼、

馬鞍嶼、用巽巳五更、塔林嶼、山尖有老古石、正路在西、取塔林嶼、用辰巽針三十更、取吉甯

馬、吉甯馬哪山、山上有池、池上石壁有古篆、用單巳、哪、針七更、單丙針六更、取勿里洞山、

勿里洞山、丙午十五更、取吉里問大山、西面坤身拖尾、吉里問大山、甚長有老古淺

離山宜防用辰巽針
四更取保老岸山
保老岸山
山與吉里問相對俗訛
呼巴哪大山番船未到

先見此山頂聳五峯雲覆其
椒山
即猪蠻地沿山取磨
上用巽巳針四更取椒山
嶼七更收入饒洞

思吉港饒洞
即蘇吉丹國與瓜哇國
相近而吉力石為之主

又從保老山
用乙辰針五更
吉力石港
即瓜哇之柱板
取吉力石港
村史所謂通蒲

奔大海者也打水八九托
雙銀塔
用丁未針五
用乙辰針一更取雙銀塔
更取磨里山

磨里山
即星槎勝覽所謂彭里者也俗尚
寇掠用單乙針三更取郎木山

郎木山
山下有三吧哇嶼嶼前有老古
重迦羅
呼高羅
淺用單卯針五更取重迦羅

地與瓜哇界相接高山奇秀內一石洞前
火山
內是里
後三門可容萬人用單卯針五更取火山
馬山有

真里馬假里馬過火山門
大急水
一名雙牌水深流急
用辰巽針二更取大急水
出門用乙辰針三更

至髻 髻嶼 用乙卯針十更取 大小雲螺 用乙卯針六更取

蘇律 蘇律山 有紅毛番居此不宜進船用 印嶼 用單卯針二更

至美羅港 池悶 即吉里地問是諸國最遠處也

又從吉甯馬礁 往文郎馬郎分路用丙巳及巽巳針五更取吧哩馬閣

吧哩馬閣 即白水打水入托是正路近嶼有淺可防用乙卯針五更甲卯針五更單卯針五更即取

三密 三密港 用乙卯針二更取龜嶼稍開有石六七

淺用單巳針三更 單戎世力山有淺宜防打水五托是取單戎世力山

四更又辰異 美啞柔港口 是處多盜好夜殺人前有大山是馬神國

文郎馬神國 古稱文狼

東洋鍼路

太武山

用辰巽針七更取澎湖嶼

澎湖嶼

是漳泉間一要害地也多置遊兵防倭於此用丙巳

針五更取

虎頭山

用丙巳針七更取沙馬頭灣

沙馬頭灣

用辰巽針十五更取

筆架山

筆架山

遠望紅豆嶼并浮甲山進入為大港

大港

用辛酉針三更取哪哦山

哪哦山

再過為白土山用辛酉針十更取密雁

密雁港

南是淡水港水下灣有小港是米

呂莖下一老古灣是磨力目再過山頭為岸塘

又從密雁港

幘頭門用丙午單午針十更取六藐山

六藐山

下有四嶼用單巳針五更

取郎

梅嶼

單午針四更取麻里荖嶼

麻里荖嶼

用丁午針五更取蘇安山及玳瑁港

玳瑁嶼

東是傍柱旋欄用壬子針四更及癸丑針五更取表山

表山

山甚高為濤門之望故名

用丙午針及單午針
五更取里銀中邦
里銀中邦
更取頭巾礁
頭巾礁
單用

午針五更
收呂宋國
呂宋國
國初貢路由福建入
辰針十更取沙塘淺開是
貓里務

貓里務國
即今貓里國也永樂
時與呂宋貢使借來

又從呂宋
取猪末山入
磨荖央港

又從呂宋
過文武樓沿山至龍
隱大山為以甯港
以甯港
山尾十更西邊
取里擺翰至高

藥港

又從以甯港
用丙巳針取漢澤
山即屋黨港口
漢澤山
用單異針
取海山

海山
用單巳針五更取
噴其內為沙瑤

又從漢澤山
用丙午針二十更
取交溢一名班溢
交溢
稍下為逐奇馬山
用乙辰針七更取

魁根礁 老港 魁根礁老港 更見紹山 紹山 更入千子智港

是米洛居地今 佛郎機駐此 千子智港 對面是直羅里稍上是紹

紹武淡水港 此處大山凡四進入即 美洛居 舩人稱米六合

又從交溢 對西開船 犀角嶼 外有三四白礁南勢開

蘇祿國 國初朝貢有東王西王峒王其後惟東王來貢 不絕疑是為東王所并矣商船所至則峒王地

又從呂蓬 用坤未針五 芒煙山 用丁亥針十 磨葉洋 用

未針并丁未 小煙山 其上有仙人掌用丁 七峯山 用單

取小煙山 五更取 巴荖圓 用丁未針五 羅蔔山 用丁未針三

聖山 自聖山東去突出二大尖兩傍皆老古石中只一 溝舟行甚險用單未及坤未針五更取崑崙山

崑崙山

此又別一崑崙是船人強名之耳用坤未針取長腰嶼

長腰嶼

船過嶼門用單午針

五更取

鯉魚塘

取毛花蠟即

文萊國

即婆羅國此東洋最盡頭西洋所自

起處也故以

婆羅終焉

海國圖志卷十八終

海國圖志目錄

西南洋諸國

卷十九

五印度總述上

卷二十

五印度總述下

卷二十一

中東印度分述

卷二十二

南北印度分述

卷二十三

西印度

巴社國
即波斯

卷二十四

阿丹國

回教
祖國

卷二十五

各國回教總考

卷二十六

如德亞國

附景教碑

卷二十七

天主教考

卷二十八

南都魯機國

南洋羣島圖

卷二十六

天主教

卷二十七

西南洋五印度國志

敘曰西南洋爲印度海惟西北二印度尙各自爲國其中南東三印度並據於西洋東印度爲英夷駐防重鎮凡用兵各國皆調諸孟加臘每卒月餉銀約二十員又與我屬國緬甸廓爾喀鄰近世仇故英夷之偪中國與中國之籌制英夷其樞紐皆在東印度南印度斗出南海有佛蘭西彌利堅葡萄亞荷蘭呂宋各國市埠環列而英夷之市埠曰曼達薩喇曰孟邁皆產鴉片煙與孟加臘埒各國不得分其利恆外睦內猜故我之聯絡佛

蘭西彌利堅及購買船礮其樞紐皆在澳門與南印度
中印度爲英夷與俄羅斯相拒之所中惟隔一興都哥
士大山俄羅斯踰山則可攻取溫都斯坦英夷設重兵
扼守之故我之聯絡俄羅斯其樞紐在中印度不悉東
印度之形勢則不知用廓夷雖有犄角擣批之策而不
敢信也不知南印度之形勢則不知用佛蘭西彌利堅
欲行購造兵船之策而未由決也不知中印度北印度
之情形則不知聯俄羅斯方詢俄羅斯國都與英夷國
都遠近不知其相近者在印度邊境而不在國都也昔

唐太宗貞觀中王元策用吐番之兵以擣印度卽廓爾喀攻孟加臘之路元太祖兵至北中二印度而返及憲宗命諸王旭烈先攻取西印度而後回取五印度卽今俄羅斯侵徧溫都斯坦之路明三寶太監鄭和以舟師破錫蘭山俘其國王歸獻諸朝卽今粵夷兵船赴南印度之路具載往牒近徵商舶事異鑿空形同肘腋指示發蹤誰端銜策志西南洋實所以志西洋也故以東南中三印度冠其前而以西印度之天方教天主教附其後五印度沿革又附其後

多王自與計年又備其後

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

其國其民其地而以西由東之天式維天主總綱其

海國圖志卷十九

歐羅巴人原讓

侯官林則徐譯

西南洋

邵陽魏源重輯

五印度國

東南中三印度今皆屬英吉
利惟西北二印度各自為國

印度國即興都斯頓也

一作痕都斯坦一作温
都亦有作軒都斯丹者

地隸阿

細亞洲西南地廣壤沃產豐甲於諸國其國如何創治

諸記未詳查探險寶記僅云為數小國而西流古土記

又云大國以巴利摩刺臘為國都仍未載及主國者為

誰竟不知印度為古佛國蓋由西洋人奉天主教不覽佛書而近日印度又為回教久據力泯佛教踪跡也

然志中東南中三印度諸部落尚奉佛教又似未盡改回教者未詳其故大西洋有公記始

云壯麻墨合印度可臘山達達里共為一國後被俄利

所滅俄利傳至巴旦王耶蘇紀歲千三百九十八年明建

文二年又為底摩阿所滅底摩阿傳百餘年後悉歸蒙古

此蒙古謂賽馬爾罕之王嗣各部落隔大山之險不服蒙古統轄各

自立主各部中又以馬拉他為最強此南印度主國非東印度之孟加臘

也至西北温大壓山麻臘耦特爾希阿俄臘等部均歸

馬拉他所轄南隅麻疏一部為哈達阿里所據加補爾

部爲阿密沙所據，阿密沙與馬拉他交戰時，各部互相
攻擊，英吉利乘隙，征服東隅，遣賀威廉駐防孟阿臘，遣
賀族乞駐防，遂於曼達拉薩孟買兩處開埠貿易貨物
充物，各國商舟雲集，是時惟哈達阿里尙強，不服英吉
利，於是印度之蘇拉札道臘統兵與英人爭鬪，收賀威
廉部眾，置之黑獄，英吉利遂遣律記利付奪復其地，別
置頭目，後至千七百六十五年，乾隆三十年復又背叛，全滅
英吉利之人，英吉利王復遣薩依姑底奪復疆域，自此
印度地屬于英國者十三部，曰孟阿臘，曰曼達臘，薩曰

孟買曰彌那曰歐尼曰瀝部曰麻疎曰薩達臘曰稔哇

曰特那彎戈曰果真曰那治勃曰西倫島其各自為主

者曰新低曰阿魯斯曰尼保爾曰新尼曰卽茅爾旦數

部而已此數部乃中印度南印度之邊境未盡屬英吉

利者若西北二印度又不在此數部之內觀英孟阿臘以

夷所繪印度圖印度河東岸尚係青色不盡加爾格達為首部計幅員二十二萬零三百十二萬方

里戶口六千九百七十一萬名外有八萬五千七百方

里未計戶口英吉利派加稔那一人加稔那官名也駐劄孟阿

臘理糧餉鹽法貿易鴉片兵丁醫館等事隨員四人分

理各事、曼達那薩幅員十四萬一千九百二十三方里、
戶口千三百五十萬八千五百三十五名、英吉利派加
稔那一人、駐劄曼達那薩、理糧餉鹽法貿易鴉片兵丁、
醫館等事、孟買幅員五萬九千四百三十八方里、戶口
六百二十五萬一千五百四十六名、外有五千五百五
十方里、未計戶口、英吉利派加稔那一人、駐劄孟買、理
糧餉鹽法貿易鴉片兵丁、醫館等事、定例曼達那薩孟
買兩處加溫那仍歸孟阿臘統轄、此外別設雜宿各一
人、執連共七十六人、統設敘跋兵十八萬五千五百一

十七名、英吉利兵八百名、蘭頓王家兵二百名、日王家兵者、雙分口糧也、彌那幅員九萬六千方里、戶口一千萬名、歐尼幅員二萬方里、戶口三百萬名、薩達臘幅員一萬四千方里、戶口百五十名、特臘彎戈果眞幅員八千方里、戶口一百萬名、那治勃幅員二十八萬三千方里、戶口千六百五十萬名、西倫島幅員二萬四千六百萬六千方里、戶口百萬名、俱英吉利統轄、而各部頭目、則由部民公舉、尙有新低阿、幅員四萬方里、戶口四百萬名、魯斯幅員五萬方里、戶口三百萬名、所屬加斯彌野

幅員一萬方里、戶口百萬名、尼保爾幅員五萬三千方

里、戶口二百萬名、新尼即茅爾旦、幅員二萬二千方里、

戶口百萬名、此皆自主之部落、不屬英國所轄、河道三

安治士河、即恆河發源謙麻那壓山、希臘特河發源阿山、

俱至孟阿臘出海、新地河又名興都士河、發源西藏經

歷數千里、至達岱入海、產棉花胡椒檳榔檀香蘇木糖

洋靛牙硝絹紗羊毛鑽石金沙貓兒眼石碧玉水晶寶

石銀鐵硫黃砒霜洋參鉛椰子象虎地氈襪緞布姜黃

荳蔻肉桂鴉片鴉片為最鉅之貿易、英吉利獨擅其利、

初時尚稀，近則徧地皆種，以麻尼哇所產為最，每年出

港共六千五百滿，六百斤為一滿，每滿價約百二十五員。以上原本

○案此所述鴉片專指麻尼哇一處，非全數。麻尼哇一作麻爾洼，乃自主部落，非英夷所轄。

重輯原無今補

貿易通志曰：印度之地距大西洋數萬里，自古不相通。

其通商自荷蘭始，萬曆二十二年，荷蘭商船駛至南海。

五印度市胡椒，返棹大獲利，於是設公班衙，僅洋銀三

萬圓，積久增至三百萬員，主其事者六十五商，及明泰

昌間，僅二十年，公班衙所贏銀已千有四百萬員，每歲

大船四十，旋據南海葛雷巴洲建總埠。順治四年，遂與佛蘭西國分擅其利。於是荷蘭公班衙大興，東通暹羅，日本又據臺灣、雄長南洋諸島間，每年文武使費銀百五十萬員。其後雖失臺灣，仍踞暹羅東南方地，與各國互市。康熙三十八年，再稟求其國王，賜敕書定歲貢額銀九十萬員，每歲別獻賚儀銀十五萬員。公班衙即公司之異名也。方荷蘭之立公班衙於南洋，英吉利商慕之。於萬曆二十七年，糾國人合資本，且稟求國王設立公司，嚴禁本國散商之赴南洋者。其始國人尚憚險

遠僅合貲十五萬員，次年增至二十六萬員，獲利皆三倍。且途劫荷蘭國、葡萄牙國之商船，以歸於英吉利。公司漸興，與荷蘭、西班牙據地爭權。英吉利乘機於印度海濱開新地，立商埠。其印度國民尙外視而輕忽之。時商船僅三十五隻，貲本僅三十五萬員。國人屢稟求散公司之局。於是國王令他商於印度西方，孟買、嶼立新公司，兩公司相傾軋。康熙四十年，始合兩公司爲一，并借國王公帑銀一千萬員，歲息八十萬員。其後復貸五百萬員，免其利息。於是英吉利南洋公司大盛。乾隆

四年東印度兵爲北印度侵逼且臣下自相割據結荷蘭佛蘭西公班衙之兵爲助於是英吉利公司兵船乘機取印度海南地印度國王求援于荷蘭佛蘭西并力拒敗英吉利之兵乾隆二十四年後英吉利復興兵與戰荷蘭及佛蘭西連年軍旅供億浩繁雖歲稅四百餘萬入不贍出非惟盡逋本國之貢獻反借其國帑數百萬生計日耗至乾隆五十年遂敗於英吉利嘉慶十六年英吉利遂據公班衙之地佛蘭西公班衙散局惟與各國分帝南印度其東中兩印度大半歸英吉利道光

十三年國中會計公司貿易無利且虧空公項以鉅萬計始散公司局聽散商自運人人皆悅

每月統紀傳曰明宏治年間葡萄牙人精神湧發營大

圖艱始尋水路到五印度國歐羅巴沿海各邦聞知之

皆乘船踵至其地葡萄牙官禁之令師艦縱橫洋面截

劫商船各國商船不敢孤行故各人出錢或千員或萬

員或三萬員積藏公帑備船礮募弁兵遇葡艦海賊則

決戰保貨返國則以所載之貨發賣各捐戶公分其利

由此立商會曰公班衙公班衙者為羣商捐措資本錢

其作貿易也。荷蘭公班衙爲首，始出公銀二百五十萬員，赴牙瓦洲摩鹿羣島，買丁香胡椒等貨歸國，獲益一倍。年年續駛南海，利路大開，始則向土酋買地，開新埠，後則開釁戰鬪，而奪其旁地，兵盛勢強，兩攻澳門，敗退。因據臺灣之港口，與福建沿海居民貿易，開墾愈廣，錢貨益增，船舶滿海，築城建邑，商變爲君。後有爲福建鄭成功所攻，時荷蘭公班衙通事何斌知港路深淺，說成功聯檣並進，荷蘭嚴守安平大港，成功從鹿耳門進水，漲三丈餘，入據臺灣，與荷蘭相持甚久，圍其堡臺，鏖戰

不息，鎮守官乞盟返棹回國。康熙二年，公班衙雖失此地，別奪他島，建城立埠，復興貿易。自東自西，自南自北，每年奉本國王銀十五萬員，別納一百萬員，以答國恩。嘉慶年間，與英吉利國構兵攻伐，忽然公班衙不幸其船或沉淪，或被奪，英總兵乘機取其新地。荷蘭公司散局，將所據之地奉歸本國。英吉利公班衙始與荷蘭相合，但每開釁隙，屢次交鋒。於是公班衙密合防禦，其本錢八百萬員，爭鬪良久，後再立公班衙於五印度國，建兩城。東邊曰馬大刺，西邊曰夢買。其時彼國土官貧賄。

慕勢私取陋規其土君復側目公司之利誓逐英軍而奪其業乾隆十七年奮力攻戰交鋒未及十餘合土君皆敗散自後英吉利特命總理官兼攝五印度國大半之權佛蘭西人恨之費力費帑圖勝英軍英兵冒火突鋒鏖戰佛蘭西兵終敗于是土君割地求和不敢強逼自三印度國屬英公班衙之後所據地廣不盡貿易惟務治國而已向來所赴廣東商船致載茶葉自道光十四年不利於市公司雖散掌握尙存每年所收國帑之銀共計一千五百萬員但使費亦繁所餘者無幾

以上原本

無皆
今補

海島逸志曰明絞勞即孟加臘譯音之殊在葛雷巴之西土地亦

甚寬大和蘭色仔年紅毛雜處其地四夷雲集交商之所百物俱備貨賄流通土產大呢羽緞嗶支

案道光二十二年四月靖逆將軍奕山奏風聞暎逆所屬之孟阿刺地方向有英夷兵目帶領黑白夷兵各數百名駐守因黑夷出兵在外多有傷亡僅剩白夷兵不敷駐守該逆兵目於去冬勒派土夷商民充當兵役因而構怨羣起刺殺夷目並將白夷兵數百名焚斃殆盡嗣又據香港探報英逆前佔孟阿喇埠頭藉產鴉片厚利得充兵餉因被孟阿喇麼佬鬼子將入顛之弟殺死奪回鴉片埠以至兵餉不繼等語又訪聞得英國之東另有思田國相距約三月水程英夷欲奪其地被思田國設計誘騙於本年正月內

殺斃英兵萬餘名現在干戈仍未止息等語又傳聞逆夷先與喀布爾打仗現在又與治拉拉拔打仗有地名古斯尼仍被治拉拉拔奪回該逆夷深恐喀布爾與治拉拉拔和好又訪聞喀布爾與孟阿喇各處總名印度等語○案喀布爾即加布爾乃阿付顏尼國之部落在中印度西境詳見於下

每月統紀傳曰孟買部在痕都斯坦西南方其酋部城

建於嶼其嶼初爲葡萄亞所屬地後讓與英國至順治

二年間英國王以此嶼賜公班衙治理當時嶼甚荒杳

潮漲水溢巨浸地也英人駐三年水土不服染病多死

英人勉築隄防火烈山澤建磚屋開衢衢招徠流寓尸

口繁滋其嶼雖磽瘦終年之產不足一月之用卻煙戶

海國圖志卷之六
十六萬餘，皆恃貿易爲業。洋艘七百餘隻，皆往印度西
北及法耳西、阿拉比及中國各處，所載出藥材、棉花、瑪
瑙、石等貨。除英國商賈外，有白頭回及法耳西商賈。白
頭人本法耳西國之土民，當回教始興，盡力征服四方，
不順奉者，必遭刑戮，致令多人往印度避害，其人皆儉
約勤作，善貿易，惟崇拜陰陽。每當日出日入之際，叩首
敬奉，然其俗好善施濟，扶困持危，惜無人告以福音之
真道也。英國在孟買建造戰船，其匠皆白頭人，手藝甚
巧。

塔喇瓦府每年納餉七十萬員昔屬瑪哈喇塔國其國
本有大權勢因與回回戰鬪不息而後衰敗民遂任意
作亂諸侯操權戰鬪爲務自王達於庶民俱劫奪爲業
婆羅門僧獾獍巧捷煽惑民人恐嚇取財旣貯藏銀王
卽革頂奪其不義之利嘉慶二十年間瑪哈喇塔王攻
孟買肆焚掠與英軍交鋒瑪哈喇塔兵敗走諸侯皆服
百姓甘順自從英人操權匪徒安分其王除位而安享
空祿

乾底土府屬省治不久其郡係盜藪農廢田荒獨守堡

臺土人只捕野獸故甚猛烈捐軀而戰風俗甚蠻且不
守婆羅門教乃供奉污鬼塑偶近于禽獸

君乾分作南北兩府皆豐腴地出米糖等貨亞美塔拔
府先爲回回之國徵斂朘削百姓盡窮後已復興惟嘉
慶二十四年遭地震敗廢該喇府之土人崇婆羅門耶
教常殺怨敵以獻神贖罪英國律例嚴禁然作亂不已
當用軍防範

蘇喇府在大南洋北方昔海賊之藪故公班衙立一幫
師船巡海剿賊今始安靜地產棉花織布精工府城卽

印度國當回教興旺時戶口有八十萬人現在減少十
五萬口建放生院養各禽獸不論犬馬鳥蟲諸類皆養
之不殺布羅者府陸海地方久歸英國掌管

北方各府其名吉斯喇地方居民皆印度國之士人俗
尚火葬婦與夫屍同燒嬖妾爭先蹈焰貴家恐養女辱
門輒殺之無惻隱之心而婆羅門僧亦無警醒之言反
礪磨愚民行溺女之罪近日英國嚴禁此弊

以上原本
無皆今補

五印度東界西藏緬甸西南界海北界韃韃里近日東
南中三印度皆屬英吉利其自主之國惟西北二印度

耳，孟阿臘，孟買，曼達那薩，均濱海大市埠。以下又原本

孟阿臘，東印度部落，東界緬甸，西界麻哈，南界海北，
界西藏，廓爾喀，領小部落二十一，俗奉墨那敏教，卽
古時佛教也，首部落曰噶里噶達，重兵駐防，商民環
處，樓閣園亭，街衢廛市，盛甲南海，設有鴉片公司，凡
巴達那默那，出產鴉片，均歸入公司，由公司發售出
口，

麻哈，東印度部落，東界孟阿臘，西界阿臘哈墨，北界
尼保爾，南界尼路阿那，領小部落十，俗奉墨那敏佛

教而尼達那出產鴉片，曰黑土，又曰公班，
尼路阿那，東印度部落，東界麻哈孟阿臘，西界彌里
阿，南界那特蘭，北界阿臘哈墨，領小部落三十，俗奉
墨那敏佛教。

阿蘭牙墨，南印度部落，東界彌那，南界靡渣布，西界
海北界堪力市，領小部落九，俗奉墨那敏佛教，海錄
謂居斯土者，爲巴史種類，顏色稍皙，卽今來粵貿易
之白頭夷也，家居溫厚，人習商賈，所屬孟買，爲麻爾
洼，鴉片出口之埠頭。

厘加那特南印度部落，東南俱界海，北界麻臘耦，西界特臘彎戈，在孟阿臘西少南，陸行二十餘日，水路順風五、六日，領小部落二十有一，俗奉墨那敏，佛教。海錄謂之曼達喇薩，居斯土者，爲雪那里種類，出產鴉片，一曰金花紅，一曰油紅，以金花紅爲最。

阿那哈默南印度部落，東界麻哈，西界麻爾注，南界尼路阿那，北界歐尼，領小部落十有二，俗奉墨那敏，佛教，產鴉片，曰黑土，遜于巴達那。

麻爾注南印度部落，東界阿臘哈墨，西界吾治瀝，南

界堪力市北界臘赤布達那領小部落十有二俗奉
墨那敏佛教產鴉片中國謂之白皮

吾治瀝南印度部落東界麻爾洼西界刮治南界海
北界臘赤布撻那領小部落十有六俗奉墨那敏佛
教

特那彎戈南印度部落東界厘加那特西界海南界
海北界果真領小部落二俗奉墨那敏佛教

果真南印度部落海錄作固真東界戈彎都西界海
南界特那彎戈北界馬那麻領小部落二俗奉墨那

敏佛教

彌那南印度部落東界尼路阿那西界阿蘭牙墨南
界海里那墨北界摩那領小部落六俗奉墨那敏佛
教

歐尼南印度部落東界麻哈西界阿尼那南界阿那
哈默北界尼保爾領小部落六俗奉墨那敏佛教

西倫島在黎加那特之東南領小部落九俗奉墨那
敏佛教

靡渣部南印度部落東界海里那墨南界麻疏西界

海北界阿蘭牙墨領小部落十有五俗奉墨那敏佛
教

麻疏南印度部落東界麻那耦南界歌王麻都西界
加那臘北界麻臘耦領小部落十俗奉墨那敏佛教
馬拉他南印度部落東界歌王麻都西界海南界果
真北界加那臘領小部落四俗奉墨那敏佛教產鴉
片

加士敏耶中印度部落東北俱界西藏西南俱界臘
和爾領小部落一俗奉墨那敏佛教

臘和爾中印度部落東北俱界西藏南界特爾希西
界牙爾士丹領小部落十有五俗奉墨那敏佛教

俄爾注中印度部落東界西藏西界特爾希南界尼
保爾北界西藏領小部落二俗奉墨那敏佛教

特爾希中印度部落東界俄爾注西界臘赤布達那
南界阿厄臘北界臘和爾領小部落十俗奉墨那敏
佛教

臘赤布達那南印度部落東界阿厄臘西界茅爾旦
南界麻爾注北界臘和爾領小部落十有八俗奉墨

那敏佛教

茅爾旦卽新地南印度部落東界臘赤布達那西界
麻凝士丹北界臘和爾領小部落七俗奉墨那敏佛
教

刮治南印度部落東界吾治瀝西界海南界海北界
茅爾旦領小部落四俗奉墨那敏佛教

阿厄臘南印度部落東界歐尼南界阿臘哈墨西界
臘赤布達那北界特爾希領小部落五俗奉墨那敏
佛教

海國圖志 卷一
尼保爾中印度部落東界西藏西界俄爾洼南界孟
阿臘北界西藏領小部落四俗奉墨那敏佛教

阿里沙東印度部落東界孟阿臘南界海西界特蘭
沙加爾司北界尼路阿那領小部落五俗奉墨那敏
佛教

特蘭沙加爾司東印度部落東界阿里沙西界麻那
耦南界海北界尼路阿那領小部落十有二俗奉墨
那敏佛教

海里臘墨東印度部落東界尼路阿那西界靡杜在

南界麻那耦北界彌那領小部落六俗奉墨那敏佛
教

靡臘東印度部落東界尼路阿那南界彌那西北界
堪力市領小部落三俗奉墨那敏佛教

堪力市東印度部落東界尼路阿那南界摩臘西界
吾治瀝北界麻爾洼領小部落三俗奉墨那敏佛教
麻那耦南印度部落東界特蘭沙加爾司西界麻疏
南界里加那特北界海里那墨領小部落五俗奉墨
那敏佛教

加那臘南印度部落東界麻疏南界馬拉他西界海

北界靡查布領小部落五俗奉墨那敏佛教

歌壬麻都南印度部落東界西林西界馬拉他南界

里加那特北界麻疏領小部落一俗奉墨那敏佛教

西林南印度部落東界里加那特西界歌壬麻都南

界里加那特北界麻那耦領小部落一俗奉墨那敏

佛教原本止此

五印度補輯原無今補○此專取本朝近日情形其歷代沿革別見後卷不入此內

高宗御製文集五天竺說曰昆侖居大地之中天下萬

國環之，昆侖以東，我大清國最大，昆侖以西南，五天竺國最大，昆侖以西，鄂羅斯國最大，今同疆與痕都斯坦相接，其國卽印度故境，以中國之力，欲通五天竺國，何難，但出于招致，非彼之慕德嚮化而來，故不爲耳。

又御製詩集題大西天草書，普吉祥玉印序曰：痕都去衛藏甚遠，道里莫得而詳，卽古五印度也。相傳彼處有佛遺跡，而今彼處佛教乃式微，外道轉盛，俗稱爲大西天。若同人之痕都斯坦，蓋印度之一耳。茲得玉印二方，體近天竺，因令侍衛巴忠持詢章嘉胡土克圖，據稱是

大西天草書一曰薩爾瓦漢語普也一曰莽噶拉穆漢

語吉祥也首歲得此實為兆庶錫福之徵

海國聞見錄小西洋居於丙午丁未方

按此沿俗稱西南洋為小西洋

與今志例不合

從麻刺甲暹羅繞西沿山而至於白頭番國人

即西域之狀捲鬚環耳衣西洋布大領小袖纏腰頭裹

白布故以白頭呼之國有二東為小白頭

國名莫卧爾即痕都斯坦

西為包社大白頭

即伯爾西亞

二國北接噶爾丹國而噶爾

丹為之北

案噶爾丹乃準部在葱嶺東與小西洋包社等國不相接當作賽馬爾罕在葱嶺西此誤

混為一國

鄰細密里亞國細密里亞國之西為俄羅斯國

案細

密里亞，卽悉畢厘剛，乃俄羅斯東藩，與中國新疆喀部
黑龍江連界者皆是也。原圖誤析俄羅斯與細密里亞
爲二國，故滋閱者之疑。小白頭東隣民呀國，卽孟呀臘小白

頭北與大白頭皆聯賽馬爾丹，西北枕裏海，西鄰東多

爾其，西南鄰阿黎米亞，卽天方阿丹同國南臨大海，○多爾其

分東西二國，皆同回東多爾其，機注同國國不通海，東鄰大

白頭，東北傍裏海，北接惹鹿惹亞，卽南都魯機西鄰西多爾

其，卽如德亞，今并入天方同國南接阿黎米亞，同教祖國○裏海者，諸國

環而繞之，東北細密里亞，卽哈薩克西北俄羅斯，東賽馬爾

丹，賽馬爾丹者，明代國名也，今則爲敖罕布哈爾愛烏罕等國西惹鹿惹亞，南都魯機西

每國圖志 卷十九 西南洋 五印度國總述 一

南東多爾其即機注南包社大白頭內瀕大泊不通海

棹其水惟從包社出海故為裏海。惹鹿惹亞一國亦

不通海東傍裏海西傍死海北聯俄羅斯南接東西多

爾其女子姿色美而毛髮紅氣味臭即古之西女國故地衣着同

白頭貢於包社。死海者即黑海源從地中北俄羅斯

南西多爾其東惹鹿惹亞西珉年呻即北都魯機四面環繞

不通大海故為死海而西多爾其珉年呻二國不通小

西洋之海而濱於中海之東北中海從大西洋之海而

入語附大西洋記。阿黎米亞即阿丹天方東鄰包社

大白頭北接東西多爾其西北濱於大西洋之中海西
聯烏鬼國陸地一隅自西至西南與烏鬼之地隔對一
海南臨大洋國爲多爾其所屬貢男女於多爾其爲奴
婢今天方之默德那阿丹國亦臣服于包社也

萬國地理全圖集曰五印度國亦稱忻都士坦北極出
地自六度三十分至三十五度偏東自六十五度至九
十五度東西南三方環海北至西藏東北連亞三西北
接加布此邦自古有名產玉金香珠萬國會聚赴市廣
袤方圓三百八十四萬方里居民萬三千四百萬丁北

方各地高山插天，四面積雪，與西藏交界。其國中間山峯相接，自北至南，半之二分，北至高之山二千五百丈。西方惟有三百丈而已。安額爲聖河，自北山流出，其雪穴闖入印度地方，東南流入旁葛刺海，隅卽東越河也。印度河由西藏出，至五印度西北疆，入印度海，卽西恆河也。又東北方有巴馬埔他江，白雲南流入亞三境，入旁葛刺海，隅卽金沙江也。西尚有逆埔他答地等河。南有峩他惟利吉那加惟利等江山，內及沿河出鋼鑽、紅寶石、石榴珠、嫩黃玉、金色玉、珊瑚、青碧瑪瑙。其國豐

盛惟西北沙漠乃游牧之地印度所出棉花最盛每年運出十八萬九千七百石青黛一十萬石檀香蘇木胡椒水菓各項其五爵君王皆騎象造金鞍美麗光彩其鷹甚怪鷲則高飛吞臭屍骸飛及高山山內金銀不多但有鐵如石其北方出硝甚多而最惡之鴉片亦此國所出

又曰自古以來五印度國大有聲名因離中國不遠數次梵僧流布其教令中華固執奉事菩薩周烈顯等王年間西國有希臘王率其軍士所向無敵攻取印度各

國旋即退敗。嗣後與大秦各國總無交通。惟其商賈負物西往。但不進內地。又不探風俗。故述怪誕以招人耳目。宋朝年間。回回旋自北侵國。自崇獨一真主。上帝不奉事菩薩。併力攻擊。拆其廟。壞其像。掃蕩全地。強其士民服其權轄。及元朝始衰之年。有蒙古兵犯界。剿滅地方。開基創業。四方強服。其居民算各戶。共計八千萬丁。忽於明宏治八年。葡萄牙船隻不遠數萬里。來到印度西邊。即時開港墾地。貿易豐盛。強據沿海多口。築城建邑。並立總帥。代王理藩。荷蘭妒之。亦來兵船與葡接戰。

百攻百勝。是時英商來國，請土君建館，亦築礮臺。又有公班衙總官操權，乾隆二十年，旁葛刺總帥肇釁，執英人付囚獄，暴虐之甚。英官力擊土人，厚施賄賂，教其將帥奸計，投降土軍，卽時四散。而英官操權於是其土君皆怨結，約合軍南北，兩邊力戰而究敗走。惟英官施政行義，故其土民仰之，不敢背亂。英國現今所據之地，北有旁葛刺省，方圓九十八萬四千方里，居民五千七百萬丁。其廣大雲南省三倍半，馬塔刺省，方圓四十六萬二千方里，居民一千五百萬丁。網買方圓二十一萬一

千方里，居民一千萬丁，所屬權轄，居民共計八千三百萬丁，別有列國歸英轄，方圓八十四萬九千方里，居民一千五百萬丁，所有自主之國，不服英者，方圓五十六萬一千千方里，居民一千一百萬丁。

又曰印度人身體懦弱，四肢百體相稱，面黑容溫，其女不美，穿鼻掛環，天氣甚熱，男惟着圍涼，時將花帕包肩胸，女則渾身加衣，所食淡薄，庶民各分品等，上品者稱曰巴閔，爲國之儒，又有戰品，乃兵弁之類，自幼讀兵書，習武藝，各匠自爲一品，子接父業，否則父母棄之，親友

疎之、餒斃溝洫、固執已見、不向教化、仍蹈前轍、陷習惡、所拜之菩薩、神像千萬、節期相接無已、其僧大有權勢、教其愚民、將嬰兒投河、或飼鱷魚、如有僧將死、寡婦於其墓堆薪自焚、英官禁其弊而罰之、印度之行、外屈節從權、內巧獍詭謀、說謊騙人、現開通商之路、每年所運之貨、共計銀二千四百萬兩、所運出之物、銀三千五百萬兩、

又曰印度各國貢于英吉利者、一曰尼散國、在印度內地、廣袤方圓二十八萬八千方里、居民一千丁、其地山

峯不高，天暑物阜，國王好戰，募兵與鄰國結讐，兄弟離散，四方仇敵並起，英人助之，始免亡失。王交接匪類，近習嬖幸，英國始派大臣駐都理國，所有軍士皆歸英國。將弁督率彈壓，都城最大，居民二十萬丁，國眾淫邪無度，王常避宮不出。

一曰納不邦者，廣袤方圓二十一萬方里，居民三百四十七萬丁，古王以剽掠鄰邦爲生，往往犯英藩屬，是以伐其王，別遣大臣代辦國事。一曰澳地，廣袤方圓六萬方里，居民三百萬丁，田地甚

豐江河灌溉，土民健強好鬪，恆結豐隙，近招英官辦事。其王甚富，府庫充滿，賴英大臣代理國政，故百姓樂業。一曰巴羅他，乃賊魁之國，本地暨破報兩國，因鄰敵逼，並無攻戰之法，故招英官而服其權。

一曰買素，在印度南方，廣袤方圓八萬一千方里，古時農務甚興，但王好戰，連年英官効死力戰，全取其地，而此外別有列國小邦，如中國之諸侯，皆以英爲其地主，隨時進貢，而拜其大臣，如辦政之宰相。印度自主各國，一曰廓爾喀國，南、東、西三方皆連印度。

北連西藏，遍地高山穿谷，產大麥、玉麥、棉花、甘蔗、荳丹、參、肉荳蔻。土地廣袤，方圓一十五萬九千方里。居民二百萬丁，如西藏土人，崇佛教，信喇嘛。山內民人，身矮力大。乾隆年間，侵西藏，劫廟宇，被天軍追剿。嗣嘉慶二十一年，與英結釁，隙戰敗，議和。其都稱爲甲曼土。

一曰悉國，在西藏西南，形勢廣袤，方圓一十五萬方里。民人三百萬丁，田地沙多，農夫力耕，居民獨拜上帝一位，不崇菩薩。力戰回回教門，自創立新國。道光年間，明君操權，百攻百勝，請西洋國將軍，率兵講求武藝，精熟。

韜畧故此鄰國畏之道光十九年沒宗孫攝政讒佞在朝權奸營私國不如舊其都稱爲刺合

一曰新地亞地廣袤方圓一十二萬方里居民四百萬
丁國雖廣大然諸侯甚多各係自主好擄掠攻擊爲英
軍力戰擊退只待機會再可征伐土產鴉片每年運出
二萬餘箱銷賣四方其都稱曰烏忽多有古蹟

一曰甲布國南連英藩屬國北至新疆東接後衛西及
白西國其地廣大但居民不多部落土酋各據其邦大
半爲回同教門勇猛好戰以騎射爲業地內沙漠狂風

四起，道路崎嶇，人馬難行，故敵難攻擊。況山洞路窄，隘

口難通。道光十九年，義羅斯國私差奸人，兜攬事情，遍

滋事端，英國興師望甲而進，跋涉勞頓，不勝卒擊其敵。

逐其王，而防範其國。其王今貢於英。案甲布一名河付
王，即愛烏罕國。

英吉利在印度國，權力勢重，始係商賈結夥為公班衙。

其貿易人等，到印度沿海各口，建立商館買賣。因土君

力索磨難，必須防範，是以操演軍法，逐一過人，百擊百

勝。雖本國距印度幾萬里，能遙制之也。所養騎步礮手

各等兵，共計三十萬，其中僅十分之一為英人，恆布真

教勸人棄菩薩而崇拜眞主上帝又引導各民悅服救
世主耶穌故上帝增廣其土地而豎其國家矣

海國圖志卷十九終

與真主上帝又傳諸各邦

其土然而還其國矣

海國圖志卷二十

邵陽魏源重輯

地球圖說天竺國東界阿瓦國西藏國并旁葛刺海南
界印度洋并旁葛刺海西界亞拉比亞海并皮路直坦
國亞加業坦國北界西藏國其百姓約有十四千萬之
數都城地名甲谷他城內民六十五萬大半釋教小半
回回教現有花旗國并英吉利國人在是國傳耶穌教
人民聰明能織羊毛布匹體弱面黑含笑溫和南方最
熱不見冰雪東南北三方俱有高山中央平坦惟北方

之山更高，上有積雪，國內分列三部，曰旁葛刺，曰馬搭刺，曰網買，現屬英國管轄，故英官長教其庶民，各歸四業，一僧，二兵，三商，四役，各傳其業，無相奪倫，不許互相嫻好，一出其類，父母惡之，眾民棄之，親友疎之，有三大江，曰沿絕斯江，印度江，布蘭布塔江，其沿絕斯江，僧人愚其國人，以爲聖江，能投赤子以飼鱷魚，則神佛護佑，遇大偶像，乘車而來，凡所過境，民爭以子及身投於輪下，男或病亡，則其婦與其夫之屍，一齊焚化，誠可傷矣，旁葛刺之城，名比拿力，內有高樓五六層，僧言古昔菩

薩親手創造妄稱聖域人能至此燒香卽免地獄之苦
有河一帶能入河洗滌則罪惡俱淨以此取人之利國
內有極大之榕樹其枝倒垂於地則枝復生根綿延不
絕故一樹根株遠約二里其下可容三四千人國西有
曠野沙漠物產全無禽獸繁殖又一城名俄亞現係葡
萄牙國人管轄逼令土人天主教不從則鞭責甚
至火焚何其忍也大小書院學習文藝處處皆有不計
其數土產五穀白糖胡椒果品檀香蘇木青黛棉花鴉
片金鋼鑽紅寶石石榴珠嫩黃玉金色玉珊瑚瑪瑙鐵

確象虎豹熊鹿水牛鷹鷲各大鳥又有最毒之大蛇等物再南有一島名錫蘭洲現與英吉利管轄耶穌門徒亦在此傳教是洲土產與天竺國無異但另有桂皮香料象土人用之如牛馬山內多寶玉海濱多珍珠至于架非逝亦栽種不少

地里備考曰印度國又名天竺在亞細亞州之南北極出地七度起至三十六度止經線自東六十五度起至九十三度止東至阿瓦國暨榜加刺海灣西連阿付干國暨科曼海灣南枕印度海北界西藏長七千五百里

寬五千五百里，地面積方約一百六十六萬里，烟戶一
垓三京四兆餘口，本國地勢東南北三方重岡疊嶺，迤
邐延袤，中央平原坦闊，風景幽雅，湖河甚多，地方沃潤，
河之長者有九，一名安日，一名印度，一名巴刺迷尼，一
名瑪合奴的，一名哥達威黎，一名基斯德那，一名加威
利，一名內爾布達，一名達布的，湖之大者有四，一名幾
爾架，一名郭拉伊爾，一名林，一名達爾，田土膏腴，生殖
蕃衍，土產金銀銅鐵錫鉛珍珠水晶礞砂鑽石花石鴉
片棉花藍靛木料香料等物，地氣酷熱，海風清涼，南方

高山峻嶺，南北綿亘，迤邐冬夏互異，冷熱懸殊，每十二時風色兩轉，由子至午，風向海去，則酷熱異常，由午至子，風向岸來，則清涼復生，國制名位不一，或爲王，或爲酋，或自設官長，或他國兵帥兼轄，所奉之教，或巴拉馬，或那內克，或回回，或天主，或釋，各教紛紛，趣向不一，技藝精巧，工肆林立，五方輻輳，史書紀載，淵源久遠，年歲迢遞，耶穌未誕之前，全奉釋教，耶穌降生之後，一千年間，回王肇居北偏，始創回教，明孝宗宏治十年，布路亞國人航海訪護水路，遂至其地，而賀蘭英吉利佛蘭西

三國次第接踵而至，所得境土，惟英吉利國人居多，通國之地，約分爲三，一屬於別國管轄，一不屬於別國管轄，一進貢於英吉利國，自是天主教大興。

其一分內建四國，一名新的亞，一名塞哥，一名信地，一名尼巴爾，其新的亞國在印度之中，東西南北四至，皆英國兼攝之地，土地版圖，不相聯絡，錯落別國疆域之中，統計地面積，方約有四萬一千三百餘里，烟戶四百萬口，通國分爲三方，一名亞加拉，首城瓜利爾，乃國都也，建于平原之中，屋宇峻麗，人烟稠密，百貨駢集，一名

于德宜至、一名馬盧襪、其塞哥國在印度西北中爲隆
德勒至河分歧、在河左者爲英國兼攝、別序于後、在河
右者東界西藏、西界北羅吉斯丹、阿付干二國、南界信
地國、北界西藏、阿付干二國、長約二千五百里、寬約一
千里、地面積方約十八萬零五百五十里、烟戶八百萬
口、昔則列君分據、各霸一方、彼此結盟、不相統屬、今則
一君統攝、世襲王位、通國分爲十二部、一名本若、首部
曰勞爾、乃本國都也、建于拉維河岸、昔繁華、今蕭條、貿
易仍盛、技藝猶巧、一名固宜斯丹、一名加支迷爾、一名

着者一名亞薩勒一名北朝威爾一名幾爾加布一名
木爾丹一名勒亞一名德拉義斯馬伊汗一名德拉合
西汗一名巴合瓦爾布其信地國在印度之西東界亞
日迷爾加支二部西界北羅吉斯丹國南界加支部暨
科曼海灣北界北羅吉斯丹塞哥二國長約一千餘里
寬約五百里地面積方約五萬五千五百五十里烟戶
一百萬口至于朝綱王位歷代相傳首域名海德拉巴
乃本國都也其通商衝繁之地一名達大一名哥拉齊
一名給伊布耳一名拉爾加納一名奴沙辣其尼巴爾

國在印度之北東界布丹國西界德列部南界烏德國
暨阿爾部北界西藏長一千六百里寬四百里地面積
方約五萬五千五百六十里烟戶二百五十萬口王位
歷代相傳通國分爲九邑一名尼巴爾首城曰加德滿
都乃國都也一名念四汗一名念二汗一名馬各王布
爾一名幾拉德斯其中各汗分據首城非一一名加當
一名札言布爾一名薩巴帶一名麼隆

其一分內建十二國一名烏德一名德干一名那哥布
爾一名曷爾加耳一名賣索耳一名日瓜爾一名刺日

布德一名西林德一名邦德爾干一名波保爾一名薩
達拉一名達拉王哥爾其烏德國在印度之北東界巴
阿爾西界德列暨亞加拉南界亞拉合巴爾德北界呢
巴爾國長約九百里寬約三百五十里地面積方約二
萬三千三百三十里烟戶三百萬餘口朝綱王位歷代
相傳首城名盧各腦乃本國都也建于高翁的河岸其
通商衝繁之地一名非薩巴爾一名幾拉巴一名巴來
支一名丹達其德干國又名尼桑在印度之南東界那
哥布爾國西界薩達拉國南界加爾那德部北界馬爾

海國圖志 卷二十一
襪部長約三千七百五十里，寬約三千三百里，至于朝
綱王位，歷代相傳，通國分爲五部，一名海德拉巴，乃本
國都也，一名比德爾，一名北拉爾，一名亞瓦，卽加巴，一
名北乍布爾，其那哥布爾國在印度西南，東界阿利薩
部，西界尼桑國，南界西爾加部，北界亞拉把部，國境長
約一千五百里，寬約一千里，地面積方約八萬里，烟戶
二百四十七萬口，王位歷代相傳，首城亦名那哥布爾，
乃本國都也，其通商衝繁之地，一名霸架爾，一名郎德
各，一名昭布爾，一名拉登布爾，一名馬合罷，一名列布

爾一名古達一名威拉合爾其曷爾加耳國在印度之
西東界新的亞國西界古薩拉的部南界千的是部北
界刺日布德國地面積方約一萬五千里烟戶一百二
十萬口王位歷代相傳首郡亦名曷爾加耳乃本國都
也其賣索爾國在印度之南東南二方界加爾那德部
西界加那刺部北界貝查布爾部長約七百五十里寬
約六百里地面積方約四萬五千里烟戶二百二十七
萬口王位歷代相傳首郡亦名賣索爾乃國都也其通
商衝繁之地一名邦加羅爾一名幾那巴登一名幾德

拉克一名賽拉一名哥刺爾其日瓜爾國又名古宜加
瓦爾在印度之西東界亞美大巴府西南北三方皆界
疴曼海灣長約五百五十里寬約四百餘里地面積方
約二萬三千五百里烟戶二百萬口王位歷代相傳首
郡名巴羅達乃本國都也其刺日布德國在印度西北
東界亞哥拉部西界阿付千國南界古斯拉德部北界
塞哥國長約一千二百六十里寬約七百二十里地面
積方約九萬里烟戶三百餘萬口侯位相傳各分部落
通國分爲九部一名日宜布爾一名哥達一名奔的一

名柯代布爾一名入德布爾一名當克一名日薩迷耳
內有諸酋分部一名比加尼爾一名巴的內有諸酋分
部其西林德國卽薩德勒至河左之塞哥國也在印度
之北東界德列部西北界塞哥國南界刺日布德國長
約八百餘里寬約四百里地面積方約三萬餘里至于
朝綱諸酋統轄各分部落首都一名巴的亞拉一名達
內薩爾一名拉的亞納一名翁巴拉其邦德爾干國在
印度之中東界烏德國西界新的亞國南界亞拉合巴
部北界德列部長約六百里寬約五百餘里地面積方

約三萬里、諸酋統轄各分部落、首郡一名札德爾布、一名某、一名布那、其波保爾國在印度之中、東南界亞拉合巴部、西北界新的亞國、長寬皆約三百里、地面積方約九千里、至于朝綱、王位臨御、首郡亦名波保爾、乃本國都也、其薩達拉國在印度之西、周圍四方皆英國屬地、北惹布爾部包括長約五百里、寬約四百里、地面積方約一萬餘里、王位臨御、首郡亦名薩達拉、乃國都也、其通商衝繁之地、一名馬合比里、昔爾、一名美黎、至一名般德爾布、一名合達尼、其達拉王哥爾國在印度之

南東北界加爾那德部，西南界海長約五百餘里，寬約二百餘里，地面積方約一萬里，王位臨御首郡名的里灣德稜，乃本國都也，其通商衝繁之地，一名達拉王哥爾，一名波爾架，一名固蘭，一名安任加。

地理備考曰：本州之地隸英吉利者實多有，國君專管之地，卽錫蘭海島，有印度公司兼管之地，卽印度之榜加刺等十九部，暨亞桑、阿刺干、馬爾達般、達威、新埠、息辣、馬拉加各等處，分四兵帥管攝。一在榜加刺，駐劄一在亞加刺，駐劄一在馬達拉斯，駐劄一在孟買，駐劄一

錫蘭海島在印度之南緯度自北五度五十分起至九度五十二分止經度自東七十七度三十分起至七十九度止長約一千里寬約四百里烟戶一兆五億口田土肥饒穀果豐登土產稻烟絲麻椰子檳榔胡椒桂皮棉花木料金石之類禽獸充物鱗介紛繁地近赤道暑多寒少貿易昌盛商舟絡繹首郡名哥倫波有國君所派總兵一員駐札

榜加刺部東界阿瓦國西界阿拉合巴暨巴合爾二部南界印度海北界布丹國長寬皆約一千二百五十里

地面積方十五萬六千二百五十里，烟戶二京五兆三億口，地勢土產已詳印度國志。貿易興隆，五方輻輳，總領十八府，首府名加爾古達，乃都會也。建于烏給黎河之左，地勢平坦，澤隰間隔，屋宇峻麗。巴合爾部東界榜加刺部，西界烏德國暨阿拉合巴部，南界岡都亞那部，北界尼巴爾國，長一千里，寬七百五十里，烟戶一京餘口，總領六府，首府名巴達那，乃都會也。

科黎薩部東界榜加刺海灣，西界岡都亞那部，南界哥達威利河，北界榜加刺部，長寬皆約三百里，總領六府。

海國圖志卷之二十一
首府名古達克，乃都會也。

岡都亞那部，東界科黎薩部，西界北拉爾根的土二部，南界義德拉巴，北西爾加耳二部，北界馬爾襪阿拉合巴二部，長二千里，寬一千八百里，地面積方十五萬四千四百里，烟戶三兆口，爲英國兼攝者，只東北二方，首府名倭巴爾布，以上四部皆屬駐榜加刺之兵帥管轄。亞加拉部，東界烏德國暨阿拉合巴部，西界亞日迷爾部，南界馬爾襪部，北界德列部，長九百里，寬六百里，烟戶六兆口，總領五府，首府亦名亞加拉，乃都會也。

阿拉合巴部東界卑合爾榜加刺二部西界馬爾襪亞
加拉二部南界岡都亞那部北界亞加拉部暨烏德國
長九百七十里寬四百三十里烟戶七億口總領六府
首府亦名阿拉合巴乃都會也

德列部東界烏德國西界亞日迷爾部南界亞加拉部
北界古爾瓦勒部長寬皆約五百里烟戶八兆口總領
六府首府亦名德列乃都會也

古爾瓦勒部東界尼巴爾國西界勞爾府南界德列部
北界西藏長約一千里寬約八百里烟戶五億口總領

三府、首府名西里那都、乃都會也。

亞日迷爾部、東界亞加拉部、西界阿付干國、南界古塞
拉德部、北界勞爾府、長一千二百六十里、寬七百二十
里、烟戶三兆口、此部惟首府亞日迷爾爲英國兼攝以
上五部皆屬駐東方亞加拉之兵帥管轄、案克什彌爾
惟首郡屬英、則北印度未全爲英夷有也。

加爾那的部、東南界榜加刺海灣、西界達拉王哥爾暨
賣索爾二國、北界北日帝爾部、長二千里、寬約三百里、
總領十府、首府名馬達拉斯大、乃都會也。

哥英巴都爾部東界加爾那的部西界馬拉巴爾部南
界丁的古爾府北界加的山長約五百里寬三百里烟
戶六億口總領二府首府亦名哥英巴都爾乃都會也
馬拉巴爾部東界哥英巴都爾部西界海南界達拉王
哥爾國北界加那拉部長七百里寬二百里烟戶九億
口總領一府首府多加里古都

加那拉部東界賣索爾國西界大海南界馬拉巴爾部
北界北日布爾部長七百里寬約二千里烟戶三億九
萬口總領五府首府名蒙加羅爾乃都會也

巴拉加部東界加爾那的部西界加那拉部南界薩靈部北界義德拉巴部長一千里寬八百里烟戶二兆口總領二府首府名北拉利乃都會也

北西爾加部東南界榜加刺海灣西北界窩黎薩部長一千二百五十里寬約二百里烟戶五兆五億口總領五府首府名千都爾乃都會也以上五部皆屬駐南方馬達拉斯大之兵帥管轄

科隆加巴部東界德千國之東比德爾府西界科曼海灣南界北日布爾部北界根的土部長約六百里寬約

五百五十里，總領十府，首府名孟買，乃都會也。

北日布爾部，東界義德拉巴部，西界印度海，南界賣索

爾國，暨加那拉部，北界科隆加巴部，長一千三百里，寬

七百五十里，烟戶七兆口，總領五府，首府亦名北日布

爾，乃都會也。

根的土部，東界北拉爾部，西界古塞拉德部，南界科隆

加巴部，北界馬爾襪部，長六百五十里，寬約五百里，總

領三府，首府名高爾那，乃都會也。

古塞拉德部，東西南界海，北界亞日迷爾部，長一千四

百里寬六百五十里，地面積方約四萬四千里，烟戶二兆一億六萬口，總領四府，首府名蘇拉的，乃都會也。以上四部皆屬駐孟買之兵帥管轄。十里寬餘五百里。地里備考曰：本州之地爲葡萄亞兼攝者曰科襪，又名小西洋，在印度之西，緯度自北十四度五十四分起，至十五度五十三分止，經度自東七十一度三十分起，至七十二度五十分止。東南至加那拉部，西枕疍曼海灣，北界北日布爾部，長二百五十里，寬一百二十里，地面積方約一千五百里，烟戶三億一萬餘口，內有一十九島。

岡陵疊起，絡繹廻環，田土肥饒，穀果茂盛，土產鹽麻，鱈花、豆蔻、胡椒、椰子、檳榔等物，禽獸草木，靡弗蕃衍，地氣炎熱，夏多颶風，技藝平常，貿易清淡，其地分爲三部，一名疴襪，首府邦靖，設有總管衙門，一名薩爾塞，首府馬爾岡，一名巴爾德斯，首府馬布薩，此外又有新疆之地，內分十部，一名奔達，一名加那哥納，一名比吉靈，一名薩達利，一名北爾甯，一名阿斯德拉加，一名巴黎，一名英巴爾巴開，一名順達拉瓦的，一名加哥刺，達蒙在印度國古塞拉的部內，其地甚小，長寬不過數

十里烟戶約一萬五千口、在昔貿易興隆、今甚凌替、
的玉在印度國內、地方狹窄、人烟稀疎、海口深闊、泊舟
便利、

地里備考曰、佛蘭西國兼攝之地、皆在印度國內、分爲
五府、一名奔的支黎府、在加爾那的部內、于北極出地
十一度五十五分、經線自東七十七度三十一分、烟戶
四萬口、土產米糖藍靛鴉片藥材等物、設有總管衙門、
一名加黎架爾府、亦在加爾那的部內、于北極出地十
度五十五分、經線自東七十七度二十八分、烟戶一萬

五千口。土產繇花。一牙那安府。在北西爾加耳部內。其北極出地十六度五十五分。經線偏東七十九度五十分。烟戶一萬八千口。土產木料。一名商德爾那哥府。在榜加刺部內。其北極出地二十二度五十五分。經線偏東八十六度九分。烟戶一萬五千口。土產鴉片。一名馬黑府。在馬拉巴爾部內。其北極出地十一度四十二分。經線偏東七十三度十六分。烟戶一萬口。土產胡椒。地里備考曰。大尼國兼攝之地。俱在印度國內。一名西稜布爾府。在榜加刺部內。烏給黎河之右。其北極出地

海國圖志 卷二
二十二度四十五分、經線偏東八十六度六分、烟戶一萬三千口、設有總管衙門、一名達郎給巴爾府、在加爾那的部內、其北極出地十一度十五分、經線偏東七十七度三十四分、烟戶一萬二千口、

外國史畧曰、五印度國、爲亞悉亞熱帶地、北極出地自七度至三十五度、偏東自六十七度至九十七度、廣袤方圓四十一萬六千里、其東印度海邊一千二百里、自南至北一帶六千二百三十里、最闊之地約六千里、若論其交界、北連雪山、稱曰希馬拉雅山、與西藏交界、及

大印度海東及旁甲拉海隅與緬甸交界西及印度海西北與押安比路治等交界則以印度江畫其疆也北方之山高聳二百六十丈四時積雪不見巉巖由此河流直下岸谷蕃昌終年花開樹木蕃盛然多瘴癘無居人入夏則禽獸俱不得生自此南向漸有廣坦當河之支流分爲三條曰布蘭補答曰恆額曰印度其水皆來自西藏東西兩岸皆山連山皆密林延及南方海濱所謂哥摩林也印度西北有曠野廣袤方圓五萬里夏無草木飛塵蔽空惟於深谷內掘井以飲產水瓜止渴西

北海邊甚低有二海港一曰屈治一曰干拜內有鹹澤
眾水所入所謂裏海也印度之南有錫蘭島島間有馬
那爾海港其水淺大抵錫蘭島之間與巴勒海相隔無
多港支海船不至其印度河自西藏涌出初西北流後
轉西南入五印度地眾水之所滙也至一處有五支河
入之五印度之所以名者或亦以此在新締地亦有海
口其水淺大船不能入恆額河所流出之地在印度之
北界其地高於海面者九百丈南流入印度國又多分
支入旁甲拉海隅卽印度人所稱聖江者是也流傳謂

能浴此河內，卽洗滌諸大罪過，故自遠來溺死河邊者，不少。榜甲拉有石岸，在南地之河，產金沙、金剛石、紅青藍等玉。巴勒海產珍珠，其北方產米、鴉片、繇花、青靛、餹。南方產胡椒、檀香、各項香木、樹膏、椰子、桂皮、各項材木。獸有象、兕、豹、虎、駱駝、野驢、鹿，惟牛最鮮，有則民稱爲神。禽翎羽甚美，但無能鳴者。昆蟲多如海沙，而白蟻最狠，又多青蛇。

印度國自古有名，所出寶物不可勝數，人皆視爲樂土，故凡稱他國最美之區，則曰猶五印度云。自古與東洋

西洋各國無往來，其書冊所錄，惟述佛菩薩神明之異，
眾民各分品類，各守戒律，有犯必逐，惟聽第一品婆羅
門輩之命，其君大國者，皆出此族。周赧王年間，有希臘
國王者，侵五印度，自後遂由紅海通商貿易，既而佛教
之僧，遍往四方，傳其教，竟至中國。中國百姓，亦盛奉此
教，卽日本暹羅緬甸各國，皆設其像而建其廟。至漢時
始與中國交接，自耶穌升天後數十年，其門徒亦至此
國，傳福音之理，所立聖會，至今尙存。後五印度各國多
年肇釁，互相爭戰，及宋靖康年間，有回回族由白西爾

亞伐五印度，據其地，創立大國，富強寢盛。於是西域，押安之游牧部落，皆貪其富而攻伐之。始於元初創國時，爭據其地，壞佛菩薩像，強百姓入教門，不從則斬。亂久不息。明建文元年，西域蒙古撒馬爾罕王諦母爾強服印度國，創立大蒙古號，管理五印度大半。各國皆震慄。及明世宗嘉靖八年，蒙古王全操印度之權，建立法度。歷十五年，其國廣袤方圓至七萬餘里，居民四百萬名。歲收餉銀二萬二千四百萬。各國皆景仰焉。時葡萄亞人於明武宗正德七年初到五印度海西邊通貿易。後

占其海口，稱曰峩亞，復於他海口開埠，而荷蘭人亦於嘉靖年間至此國造船，奪葡萄牙國所據之錫蘭島開港通市，然必奉大蒙古之諭。後英吉利佛蘭西大尼三國亦乘機往租地通商，皆在偏隅，未開廣市。於時大蒙古之君威權重大，人皆畏之，其後眾子爭權，內亂並起，各部酋皆乘間自王其地，遂四分五裂。

英吉利國於萬曆二十六年，在印度創立公班衙，與各國貿易，得利甚微。萬曆三十八年，又在印度西北蘇拉地方開埠，順治十年始於馬答拉貿易。康熙二年，葡萄

牙國以網買島讓英國正在印度之西數年後大蒙古
王肇衅商人有見殺者康熙三十八年後英吉利與佛
蘭西肇衅卽在印度之礮臺互相攻擊前則英失後則
佛奔於是鄰國皆動干戈或助英或從佛屢有戰爭歐
羅巴公使出爲兩國議平乾隆二十年佛國官蠱惑蒙
古所駐榜甲拉之兵帥將所轄之英商弁盡行禁錮斃
其大半英人欲雪此仇調傾國之師駛入恆額河與其
土酋盟自逐其蒙古酷主佛蘭西乘隙復率荷蘭師船
入內河力拒英人英人中有才能者曰加里威集眾聚

議與其蒙古土君背城一戰，竟獲全盛。於是東印度各君長皆以其地讓給，旁甲拉以爲英人之藩屬。其南方地或買或和得之。於是英國調兵帥代理其全地，又擇其年少聰明者，使之學而後執政。恐其受賄賂，則給厚俸以養其廉。乾隆六十年間，有蒙古土酋與英人交鋒，招佛蘭西助之。英軍盡力攻守，至嘉慶四年，土酋父子悉降。其地大半歸英。嘉慶十年，盡驅佛蘭西駐印度之兵，以據其地。又在南方占荷蘭國所據之牙瓦等島也。時英人在此地，尙與印度爲對待。旣而大蒙古國漸微。

其外部盡背叛自立於是英人入其都其蒙古王曰得
希者反賴英官賙濟之其初財積如山竟成窮乏此以
知大國之不可恃也嘉慶十六年各土君在五印度者
皆服惟有耶加之族類越境侵擾英人討之西北有新
起教門其首領係西刻人甚勇猛土君惴惴求英人保
護而納貢焉緬甸王亦與英人爭鋒且殺其兵將入旁
甲拉地攻英藩屬連年不解後英軍擊敗緬甸入其都
緬王求和讓北方並南海口且償其兵費於是各國皆
畏英兵之強五印度國賴以少安歷數百年或同盟之

土君有叛者必除其位。是以農力於田，匠勤於肆，商則
遍出於其途，皆歸英權轄。忽我羅斯國使與甲布君盟，
合白西國攻擊黑臘城。道光十八年，英軍克甲布地，復
立其舊主。二十一年，甲布人又生異心，英人募兵侵甲
布，仍復前王之位。此時西刻地之主復募兵侵英境，英
軍旋剿滅，以峩拉昇王此國。於是加治彌耳地亦歸英
國。自是五印度皆安堵矣。五印度人固執教門，不論佛
教、婆羅門、回回，皆一心堅守。民多紫黑色，有面白者，有
正黑者，身體高大，行不能速，髮長而黎，身多瘦，貌圓扁。

額大而高。女多美。男女以白布繞身。好潔勤洗。常以布纏頭。卽纏頭。回回也。百姓畏熱。少衣。好以金銀器飾手足。耳鼻常赤足。不用履。其教門古分四品。卽婆羅門等。是也。僧長領軍士商匠農工。各分品類等級。世守其業。不得互相婚姻。一出其品類。卽謂忘本原。不得比于人。數是以上品世貴。下品世賤。婆羅門爲上品。門第最重。婆羅門之巧獮者。藉經術以漁利濟私。此外尙有各國族類與本土人相雜。歐羅巴中。維葡萄亞人甚多。計約六十萬。皆執天主教。與土人未通往來。英人苗裔在此。

者文武兵丁六萬工商等人四萬亞拉人亦有來此充
兵立業各類參雜統計約二十萬萬口大半服英國權
轄土音係梵語所撰書冊詩本惟僧能講其民土音有
三十六種今則多習英語譯各藝術之書以資日用城
內大開書院廣教學士崇婆羅門佛教者居十之九尤
異者數年前教門之寡婦必同夫屍自焚爭赴禮佛菩
薩之像致車輪壓斃者不勝數此真婆羅酷虐之門迷
惑不悟大可哀哉其回回教之人約千五百萬口崇耶
穌教者亦幾十萬人又北印度國錫蘭島等處皆確守

釋迦之教

英國據印度地大半分四部東北方曰榜甲拉部方圓萬有二百四十八里居民六千六百九十四萬二千口中央曰亞加拉部廣袤方圓四千一百九十六里居民二千二百一十四萬六千七百口東南曰馬答拉部廣袤方圓六千七百里居民六千四百八十七萬六千口西方曰網買部方圓三千六十五里居民六百八十八萬七千口北界廓爾加地南界同名之海隅東至亞散緬甸等地西至巴哈部經度自二十一度至二十七度

平坦豐盛。恆額河東南流之所在也。海邊有瀦澤。二十四分之中。三分河湖。四分荒蕪。一分鄉城。三分牧場。九分田。四分未墾之地。徧地皆支江。可以灌溉。其水時漲。壞田。夏旱。又易淺涸。稍雨。則水驟長。江河遷變。無常。滄桑陵谷。盈涸。時有春夏之交。雷雨連月。不勝蒸熱。秋則無雨。零露瀼瀼。天氣苦冷。北方則近雪山。寒凍更甚。中央地勢卑濕。平地皆水。家家以小舟通來往。鄉村廣大。皆築高阜。以居。生齒浩繁。榜甲拉爲米穀所出。夏禾冬麥。兼產豆粟黍薑。并出鴉片青黛烟糖油。在印度首推。

沃饒之地。田歲收二次。一穀一菜。但民不善耕。且多貧。不能具農器。男女體段。女好染指甲作赤色。平民亦喜爭訟。當步兵者。四分之三。奉婆羅門教甚謹。出蠶絲。善造紬緞。織縐紗布。亦出硝礬砂。并各藥材。富者開肆。兌換金寶。貸銀取利。不好遠出。榜甲拉西連巴哈亦屬此部。在廓耳加之南。經度自二十二度至二十六度。出鴉片。蘇花。殼。糖。黛。青。油。檳榔。玫瑰花露。榜甲拉之南曰阿勒撒部。地瀕海。未開墾。多山林。密箐。山民聽本宗長。頷不服他人。其性蠻。其地磽。江中多毒蟲。鱷魚。榜甲拉

之都會曰甲谷他城在胡義利河邊恆額河之支流也
北極出地二十二度三十三分偏東八十八度二十八
分爲榜甲拉之大海口統印度大兵帥所駐各文武官
商皆居于此地甚遼闊城池高固四方置大礮臺居民
甚雜乃各國所集之大市舟車輻輳每年運出貨價約
三千六百萬兩其軍士則屯于巴拉破利礮臺距荷蘭
破利城不遠其城前屬大尼國亦美邑也居民萬三千
口內多回回人造縐袈裟布母耳士他城城在河邊屋
宇三萬間居民十六萬五千口多富饒巴那城居民三

十萬種罌粟其土人大半回回性多傲。半古答城壯
屋美民多長壽距此地不遠曰若尼宇城有佛菩薩廟
印度四方之人每歲來禮拜者約十萬人道斃者不少
而僧則愈富足。東連榜甲拉之亞山地在雲南交界
亦屬榜甲拉長一千二百里闊自六百里及百二十里
不等地平坦巴馬布他河支流之下游也多礦沿河有
金沙山內產石炭出米穀田未開墾者十之八九多瘴
癘居民由中國遷來者建屋築城其古蹟至今尙存後
被緬甸掃蕩而其地難以復興居民約三十萬崇佛教

山民尤樸實，與人無詐騙，其居民大半老掌之族，守分務業，藉英國人爲保護。榜甲拉海隅之東，爲亞拉干地，廣袤方圓千八百里，東連緬甸，以高山爲界，內多廣谷支溪，遇雨漲溢，遍地成湖澤，土極豐腴，宜果木而多瘴，異方人不服水土，海口處處可泊，其魚繁，林內多象，虎居民二十一萬六千名，會城曰亞拉干，古極興旺，今又有海口之邑曰脚地，亦通商之處。亞山之南，尚有各地，草木叢茂，人蹟罕到，然居民健勇可用，此地當東印度緬甸之交界，乃毋尼補甲治加特比拉可西亞各

土酋所轄其民野性不馴統歸英人羈縻○亞甲部在榜甲拉西北廣袤方圓四千一百八十七里居民二十萬當諸河下游西南其山漸高布那出金剛石西方多牧場與高山相連天氣與江浙無異居民健壯產麥多猛獸東連榜甲拉西南抵網買列酋境北及雪山西刻之地北極出自二十五及二十八度內河甚淺未足灌溉盛出者繇花青黛白糖居民織粗布僅足用此地昔爲大蒙古之都尙有古蹟居民多回回是爲印度之聖城其都會曰亞拉哈巴城在恆額河閩那河會滙之處

居民六萬餘口，印度人在此集會燒香，城爲蒙古所造，甚堅固，有大軍局，又有比那勒城，亦五印度之聖城，四方雲集，以拜佛像，婆羅門僧多若蜂聚，其街甚狹，居民二十餘萬，每年自遠方來敬佛者不下十萬，爭向恆額河浴身，回回五分之一，與土民分黨，不居城內。○亞甲居民九萬六千，昔係大城，今漸衰矣，內多宮殿古蹟，有昔時王后之陵，最壯麗，廣通商，又德希城，大蒙古之故都也，居民十五萬，舊國王苗裔在此，賴英人之祿，以度生。○巴勒里城居民七萬，回回居三分之一，屬地曰古

摩雲與西藏不遠山林深邃冬甚冷物產茂盛居民不
多田亦褊少前婆羅門僧再據此地與西藏通廓爾加
國君于嘉慶十九年據之後讓地于英人英國貴人多
建別墅每歲從印度來此作銷夏之會斯駐之地曰新
拉乃印度統帥行館納涼之所且登山以獵熊虎夏後
仍還印度平坦之地。尼布他地在尼布地河之兩岸
其民未向化惟伐林木爲材料不用銀錢只以鹽糖交
易其平地及谷內亦有印度人但地未開墾所交界之
雲他瓦地間有向化之士人與中國苗蠻無異。馬他

海國圖志 卷二
拉部在印度南廣袤方圓六千七百里居民千四百八十七萬海邊有輕沙如鹽鹵天氣長熱雨則全地皆漲旱則野無青草南方高山深林下滙溪澗可灌全地山頂結冰而谷中暑燠難堪海邊出椰子絛花內地產米稻甘蔗芝麻西邊地最低出胡椒肉豆蔻米山溪內多產金沙其會城同名馬答拉計屋二萬七千間居民四十二萬雖瀕海口而無泊處船難到岸各礮臺內文官日間務事晚則歸莊園水榭以度良夜其土民所住稱黑城爲數甚繁旁牙羅利城在內地高原英軍屯駐焉

西令牙巴城高而堅固，居民三萬，英軍前此力攻克者也。君巴歌倫，居民三萬，有大池，云浴之者可滌諸罪，各信士雲集以祈清潔，亦恆額河所分滙也。○特泊那破里城，居民八萬，乃土君所駐之都，四方豐盛，多奉耶穌教。曼牙羅利海口，在西方，居民三萬，加里屈海口，居民數同。葡萄牙人初到印度時，卽抵此港，在西邊爲海灣最深入之地，東邊無灣可泊。○網買部，廣袤方圓三千六百六十五里，居民六百八十八萬七千，屬此部者非一處，山多而地磽，五穀不足，惟產繇花，每年四分之一。

運進中國，又出檀香等貨，居民多回回，會城與部同名，北極出地十八度五十六分，偏東七十二度五十七分，昔葡萄牙國以此島讓英人，遂建城邑，初不服水土，今已天氣清爽，居民二十三萬，住屋二萬七百八十六間，中多白頭回人，有豪氣，博濟好施，專務通商，其民皆能講十九種語音，尤樂與中國人交易，亦與亞拉白西等國貿易，英國船廠在焉，能造最大戰艦商船，蘇拉城亦在海隅，居民六十萬口，大半崇印度婆羅門之教，其愚人或以獸牲爲聖畜，養之誠謹，古時此處爲通商之埠。

但海口潮溜甚急，船難近岸。布那乃內地之城，居民七萬，有大書館焉。此外城邑尚多。

五印度土君藩屬國

此外尚有土君之國，雖未設英官，而係為英國藩屬者。今別敘於左。內地有希答巴地，廣袤方圓一萬零五百里，地高坦，出好麥，因其國官吏朘削其農，故民甚貧乏。又罕通商，歲費重餉，約七百萬兩。地大半為爵士所據。其土君昔與英對敵，募兵約八千丁。此嘉慶年間之事。但君既無智能，其臣又奸宄，惟利是圖。故英人時時計。

議欲取其國焉。其都城居民八萬口，內多匪惡。雖有一萬二千之英兵屯此，尙時時反側不安。其附近之峩干他邑，昔曾出珍玉，號爲寶庫，茲已盡矣。又有塞龍牙巴，居民六萬，昔盛今衰，土雖豐產，僅足食用。前代后妃之陵，惟在此者最壯麗。其毗連此部者，爲納布里，廣袤方圓約六千里，多出豆、烟、麥、粟米。其土君無大權，常以千騎自衛。其都城居民八萬，地頗廣，屋則土寮。附近此城有英人礮臺。薩他拉等部土君，係馬拉他種類，好騎好虜掠。自英人攝權後，悉順服。地無高山，其民好獵。

古城廣大，居民罕少，中有聖城，遠方雲集，焚香禮佛，不遠千里。○答文可利部在南方海邊，山水極佳，果木尤可珍。海口古時被荷蘭所據，居民一萬，大半遷徙別處。內地之米所地，昔有土君，近歸英國，亦廣大之邦，但居民屢遭困迫，不足以獲其益。○西金地，在西藏旁，褊地也。天氣甚冷，土酋轄之。○烏地，在榜甲拉之北，土雖豐產，居民甚貧，惟土君之帑常充。都城曰鹿那，居民五十萬。英國屯兵在此，時遣大官蒞辦政務。○本得君地，在西北，半歸英權轄，半爲各土酋所管，其土無所出。○布

破城小而固，英人嘗再攻不破，三次乃陷。○破巴係山地在匿補他河邊，民不勤作，惟以武藝爲重。○突鹿小地，英人所立，在馬拉他族類之中間。○哈甲係馬拉他種類，古時廣大，屢擾印度各界，英人降其桀驁，而民以靖。○巴羅他廣地，在西北千拜海隅，民以劫盜爲生，英人調重兵征服，道光二十四年復抗拒，再擊敗之，多印度國之聖蹟，居民焚香處也。此際歸英國者已大半。○古治在西北之極，形勢斗出，常懼地震，逼近火山，故其地磽不甚產物，民多野心，約三十五萬，惟水手不憚死。

會城曰威城，居民三萬丁，英軍屯駐焉。○拉補坦亦列君之地，居民有膽畧，遇險不懼。印度列國之兵，惟此稱武勇。○新蒂地，在印度河邊，多叢林，列君射獵處也。道光二十三年，悉爲英人所滅。地豐沃，全賴印度河灌溉。一遇亢旱，五穀遂不登。其都曰希答巴，居民二萬，屋則土寮。城之固者，曰答他城，在平原。列土君藏所劫奪之財帛，約數千萬兩，今已罄矣。○西刻地，在後藏南，嘉慶年間，倫亞升王所立國也。此君之祖，曾取印度及回教二者，參合爲一，以宇宙萬物之主宰爲萬土之王，盡絕

神佛自爲一教，至倫亞升王募兵攻伐甲布居民，奪加治彌耳等地，且招西國之武官操練兵法，鄰國畏之。於道光十九年，倫薨，干戈並起，其子孫越英藩屬境，大肆擄掠。道光二十二年，復侵英藩屬地，乘英人不備，一戰而勝，英人死者甚多，英軍士力拒旬月，始破西刻之軍，直入其國都，於是割地請盟焉。其地長七百六十里，闊百三十里，居民四百萬，地多鹽，可爲藥材，每年所掘約八百萬石，南地多鹵，不產物，北方豐盛，因官吏勒迫，民甚貧乏，惟專意于武戰，與後藏交界，多山嶺，遍地江流。

乃印度五支江所派也。其都曰拉合，居民八萬，內有回
回廟。其君常至此縱樂。又有雲勒悉城，王所藏庫處。莫
但城，乃製造絲緞之處，居民四萬五千。所屬之谷曰加
治彌耳，高於海面五百八十丈，所環之峯最高者約千
七百丈，冬夏積雪不消，物產甚多，甲於南北。奈國主酷
待其民，故地雖腴，無能興焉。前時居民八十萬，今僅二
十萬而已。昔大蒙古之君夏時於此納涼，爲加治彌耳
國之名勝地。居民多爲商，與後藏、西藏多年貿易。其都
會同名，居民四萬。

各國民經營不一，惟英國所營者爲富庶。旁甲拉貨物共價銀七十萬萬圓，眾務事所收銀一千九百萬。亞甲貨物共價銀三十五萬萬圓，每年眾務事所收者七萬萬圓。馬答拉銀十四萬萬圓，眾務事所收者共二萬三千六百萬圓。網買部貨物價值銀萬五百萬圓，眾務事所收者萬七千五百萬圓。貿易甚大，任百姓自作生計，無苛政管束，故民甘出力，宜其旺相也。人皆善積，各安分樂業。印度地豐盛，但不善灌溉，一旱亢則無禾麥，除五穀豆菜外，遍地種青黛，約五十餘萬頃，亦產湖絲種。

罌粟每年出鴉片約四萬箱，榜甲拉所出者五穀，每年價值銀三千三百萬兩，蜀黍九百萬兩，豆千六百萬兩，種子千四百萬兩，白饹烟絲花等貨二千七百餘萬兩，共九千七百七十三萬兩，合五印度各國所陳田產，統計四萬萬兩，百姓以製造物件爲重，不出運賣外國，其細布綢緞之美者，惟西洋每歲買之外，有加治彌耳人織造搭膊布，悉不得運出外國，印度人不知掘礦，故鐵銅金玉必由外國入，道光十七年運入之貨三千四百六十餘兩，運出者五千三百八十有餘萬兩，現掘河以

運貨立銀局以便貿易百姓向愚蠢英人于此設學館
教民於是印度人皆事天主
五印度各屬地有大事必問本國公班衙乃與英國公
同會議復立議士會同斟酌在馬答利網買兩部各調
兵帥共同議士商辦聽大帥之命惟英人能務大事其
土人只任下職而已若征田賦亦立鄉紳總理錢糧
國費出入榜甲拉部入八千一百七十萬圓經費銀七
千六十二萬五千九百圓所調之軍十一萬六千馬答
拉入銀三千一十二萬四千圓經費二千四百二十二

萬六千圓，軍士七萬，網買收銀千四百萬圓，經費千九百七十三萬二千圓，軍士四萬，在旁網兩部，調水師戰艦、火輪船防範，其火輪大船二十隻，另建鐵船、小火輪船，其守五印度三營者，大半土人。

西洋各國所據五印度地，葡萄牙屬地曰峇亞，在西南方，海邊港口嘉邑也，地多山，無通路，其田大半能耕，居民五十萬，崇天主教，三分之二地門亦海口，昔與中國通商，撒米居民十萬。佛蘭西所據東南之偏地，居民二十一萬，其都曰本得識理，海邊種青黛、甘蔗、桑，亦開

海國圖志卷二十一
學院以教其民焉

印度各土君之國

新地亞附近之亞甲，卽所稱馬臘地也。廣袤方圓四千七百里，居民四百萬有餘口。每年所出之餉約四百二十萬兩。其都爲吳亞末鹿，居民五萬口。烏音之城亦堅固，步兵萬四千，騎兵一萬，有大礮二百五十門。常與英抗。尼報里國亦曰廓爾加，印度之北地也。與西藏交界，山峯插天，居民專務佛教。多拉麻僧，惟念經好靜，不養父母，一女配數男。山內之民甚勇猛，曾入貢中國。嘉

慶十七年，攻及英界，英人攻戰，始讓地議和。此時英人尙駐其都，所稱甲曼士居民二萬四千，其民互仇戰鬪。山內各有酋長，自專其地，不聽其王之命，產鐵鉛銅等。多印度人，亦有回回族，居住此地。其廓爾加族，卽由北方所來之矮人，攻服此地。種類語音不同，教門互異，今尙占據。布但地與尼報里，皆西藏所連之微地。山上雪冰恆積，多烟瘴。平地出蔬菜果麥，居民善灌溉，敬其老猿爲仙獸。百姓面貌似中國，而剛健習勞，信佛敬僧。多修寺院，其轉世刺麻，號爲活佛，與西藏同俗，亦與旁

甲拉通商其都曰他西蘇屯城此兩國均未信救主耶
蘇之教

瀛環志畧曰余嘗見米利堅人所刊地圖五印度共二
十餘國在東者曰孟加拉曰麥哈爾曰尼泊爾曰阿力
邑在北者曰克什米爾曰勒懷曰威聊曰烏納曰聶離
在中者曰阿爾各拉阿拉哈板特曰工窪納曰馬爾窪
在南者曰甘勒士曰彌勒爾曰海特爾拉蠻曰麻打薩
曰噶納的曰孟買在西者曰爾勒士布他拉曰阿布爾
信據米人雅裨理云此係五印度舊部落之名自英吉

利據印度後有分析，有改革，與此圖不同，後見英人所刊五印度圖，與米利堅圖全不同，地名繁簡亦異，地既屬英，當就英圖立說，以資考核。

塞哥

一作悉國，又作西刻

北印度大國，西域稱為克什米爾。

一作加治

彌爾

又作加支迷爾，又作夾氏米理里。

乃其別部之名。

其國自古以此部為國名，新唐書謂

之箇失密，又謂之迦涇彌羅，宋史謂之迦涇彌，勒元人謂之乞石迷耳，皆克什米爾之轉音也。

猶尼泊

爾之稱廓爾喀，浩罕之稱安集延也。東北雪山環抱，與

後藏西微毘連，西北隅接西域之札布，西界阿富汗，俾

路芝，西南界信地，東西約千里，南北約二千五百里，其

地時序和平，山水明秀，沙磧雖多，而田土極沃，農功甚勤，戶口約三百萬，商賈善於行遠，西域回疆後藏處處有之，國舊分左右部，以隆德勤至河爲界，河左之西林德部，已降英吉利爲屬國，餘諸部皆在河右，各有酋長，不相統屬。乾隆末，勞爾即刺合酋長林日星兼并河右諸部爲一，又逾印度河，割阿富汗數城，繼立之王尤雄武，以歐羅巴人爲將，戰勝攻取四鄰，畏服。道光十九年，王卒，宗孫嗣立，信任讒佞，大柄旁落，國勢頓衰。先是英吉利攻滅孟加拉，乘勝脅降諸部，值塞哥兩世得賢主，國

治兵強，故英人止戈修好，未嘗措意。至是昏庸在位，間隙可乘，遂連年大舉，深入侵割，其疆土過半，其所失爲何部，尙未得其詳也。國分九部，首曰本若，都城建於拉維河岸，曰勞爾。一作刺合，米圖作勒懷。貿易繁盛，爲通國大都會。

曰固宜斯丹，首城名拉德如爾，曰克什米爾，首城同名。

曰着這，首城名亞德各，曰亞薩勒，曰北朝威爾，曰幾爾

加爾不耳，曰木耳丹，曰勒亞，曰德勒義斯馬伊爾汗，曰

德拉合西汗，曰巴合瓦爾不耳，首城皆同名。道光二十

年粵東譯出英人新聞紙，有英軍攻阿付顏尼峩羅斯約本哈臘，欲取阿付顏尼之說，意在爭北印度也。二十六年傳聞。

英人用兵於北印度有取得西刻之加治彌爾與後藏
接壤欲赴藏通市之說西刻即塞哥加治彌爾即克什
米爾據西人所刻地圖克什米爾在塞哥極北界英人
果割地至此則已拊塞哥之背不止喪地實多抑且危
如朝露矣英吉利印度埔頭孟加拉最盛孟買次之麻打拉
薩又次之英吉利本國商船與歐羅巴諸國之船每歲
往來以數千百計其稅銀每歲得千餘萬養兵太多支
銷之外所餘亦無幾

中國之布從前皆以麻織自元太祖征印度乃得縣花

之種棉花初稱吉貝流傳中土至今衣被九州功駕桑麻之上

其利溥矣乃鴉片之毒亦出於此五印度諸部皆產此

物而最多者爲馬刺他。川南滇西地近印度故有栽種鴉粟者。鴉片分兩

種成團者爲大土其價昂聚於孟加拉麻打拉薩成片者爲小土其價廉聚於孟買五印度貨物惟繇花鴉片最多近年竟以鴉片爲主每歲出運數萬餘箱宇宙浮孽之氣乃獨鍾於佛國何其怪也

回疆葉爾羌等城時有克什米爾溫都斯坦兩處之人往來貿易西域聞見錄謂兩部皆回部大國由葉爾羌南行六十餘程至克什米爾又四十餘程至溫都斯坦以今攷之克什米爾卽塞哥爲北印度大國溫都斯坦

則五印度總名部落既多西域不能辨識自克什米爾之外概稱為溫都斯坦耳又云兩廣福建之物往往由溫都斯坦販至回疆此無足怪溫都斯坦之孟加拉孟買皆英吉利大埔頭閩粵之貨山積由兩處至回疆皆商賈通行之熟路轉運固甚便矣

案由回疆之葉爾羌南越博羅可達後藏由後藏越廓爾喀可達印度英夷果由印度轉販回疆未知此以北大雪山葱嶺以及葉爾羌南之大戈壁皆屬陸路何由得至豈泝印度河逆流而上與然究在雪山

南也若用駝馬轉運或由岡噶江逆折而西而北以
達回疆與然不可考矣

海國圖志卷二十終